

2.799

VOYAGE
AUX INDES
ORIENTALES


G


238


SC


E. MUSEBA REI












Wm. 2799



DESCRIPTION
DV PREMIER
VOYAGE FAICT

AUX INDIES ORIEN-
tales par les

Ste François. *Genoveffa*
CONTENANT 7733.

ES MOEVRS, LOIX, FACON
de viure, religions & habits des Indiens:

NE DESCRIPTION ET RE-
marque des Animaux, Epiceries, Drogues Aroma-
tiques & fruiçts qui se trouvent aux Indes.

N TRAICTE' DV SCVRBVT
qui est une maladie estrange qui survient à
ceux qui voyagent en ces contrees.

DEDIE' AV ROY,
R FRANÇOIS MARTIN DE VITRE'.



A PARIS,

chez LAURENS SONNIUS rue S. Iac-
ques au Cocq & Compas d'or.

M. D. CIX.

Avec privilege du Roy.



AV ROY.

IRE,

Si nous estions obligez à donner des presens qui eussent quelque proportion à la dignité, au merite, & à la valeur de ceux à qui nous deuons plus que nous mesmes, vostre Maiesté n'en receuroit iamais, & quand ie luy apporteris toutes les merueilles du monde ensemble: l'offrande en seroit aussi petite aux pieds de sa grandeur, que le Fourmy sacrifié par les Egyptiës au Soleil qu'ils adorent, mais par ce qu'à l'imitation des immortels elle se contente plus de l'offrande du cœur que de la main, le mien prend la hardiesse de luy presenter en toute l'humilité que ie puis, le Liure qu'el-

le m'a commandé du Voyage que
i'ay faict en l'Orient où ie n'apporte
en toutes les remarques des raretez
qui y sont, & que i'ay venës, autre
ornement que celuy de la Verité:
qui simple & naïue à tous ses at-
traits, c'est elle (SIRE) qui dira à
vostre Maiesté comme ce discours
luy est iustement acquis, estant la
seule cause de son estre (& Mon-
seigneur le Dauphin de sa conser-
uation) car ainsi que les deux A-
stres reuerex sur les eaux consolent
le Marinier au milieu de l'orage, ap-
portent la tranquillité, & calment
les ondes, le Ciel par la faueur de
ces deux diuinitez nous a sauuez
du peril passé, pour recognoistre
ceste nouuelle terre à present, & y
publier vos louanges qui ne se
pourroient estendre qu'avec l'vni-
uers & trouuer pour l'aduenir vn
pays admirable à vn Monarque

inuincible : comme nous croyons
que sera vn iour ce grand Prince,
qui au point de son aurore fait pa-
roistre vn Soleil qui porte des-ia
les graces d'une Royne : que la
verturend sans pareille, & d'un
Roy inimitable, que toutes les Na-
tions que i'ay veuës reuerent, desi-
rant, avec plus de passion la gloire
de son obeyssance, que la liberté de
leurs commandemens, en souhait-
tant l'honneur de ceux de vostre
Maiesté, ie prie Dieu.

SIRE, qu'il la conserue & com-
ble de toutes ses benedictions.

Vostre tres-humble tres-obcif-
sant subiect & seruiteur
FRANÇOIS MARTIN
de Vitre.

A ij

O D E
SVR LE VOYAGE DV SIEVR
FRANÇOIS MARTIN DE VITRE.



ME de l'honneur de s'enfuir
Qui le premier aysa ramener
Cherchant une fortune heureuse
Dessus une infidelle mer.

Qui dans une debile barque
Loin de peur & pres du danger
L'esperance & la vie embarque
Au vent inconstant & leger.

Sillonant le dos de Neree
Coupe le seau si dextremement
Que ta nef se rend assuree
Contre Eole plein de tourment.

Animé d'un dessein louable
Tu remarque entre les flambeaux
Du ciel l'Estoile desirable
Qui preside dessus les eaux.

Tiphis sur le sein d'Amphirite
Pour de l'Or alloit conquerir,
Mais tu as bien plus de merite
Qui les terres va deconurir.

Par une glorieuse enuie
Aux Aquilonstends des filers
Et en pensant prendre ta vie
Se voyent pris dedans tes rets.

Heureux de ceste peine amere
Qui ta ieunesse vint saisir
Ainsi que l'Vlisse d'Homere
Tu en sens vn double plaisir.

Zephir qui de son ailerette
Frise les cheueux de la mer
Le vieil bouvier & la cheurette
Par toy se sont veu renommer.

D'un sapin ayant donté l'onde
T'esleuant sur l'antiquité
Tu nous aprens comme le monde
Ne doit estre qu'une Cité.

Quand d'une genereuse adresse
En quittant le Champ Paternel
Exemple de nostre ieunesse
Tu t'aquiers un los éternel.

Tu as euité les atteintes
De ce Chien monstre à tant d'aboïs
Là où Iason palit de craintes
Et Argos y laissa la voix.

Mais ce cœur au mal invincible
Ainsi qu'un second fils de Mars
T'apprit à vaincre l'impossible
Mésprisant l'effort des hazars.

Viens donc, o poupe triomphante
Pour qui le Ciel versoit des pleurs
Te couronner de l'Amaranthe
Et de ces immortelles fleurs.

Heureux FRANÇOIS qui pour la gloire
Dresse tes navigations,
Le monde au temple de memoire
Gravera tes perfections.

Ainsi puisse tu dans la France
Voir tes travaux recompensez
De ce grand Roy dont la vaillance
A tous les autres surpasser.

Tu nous montres mille merueilles
De peuples, de meurs & d'espris,

Parlant tu retiens nos aureilles
Et nous charmes par tes escrits.

Vœillent les Dieux que la fortune
Te cede aussi bien désormais
Comme au Royaume de Neptune
La gloire te suit à iamais.

Ton voyage n'est sans mysteres,
L'ange des Rois le fit afin
De borner des deux Emispheres
L'orison de nostre Dauphin.

Comme ce grand foudre de guerre,
Remplit les cieux d'honneurs diuers
Son fils dominera la terre
Partageant entr'eux l'univers.

Icy Muse sois en silence
Siton Roy n'en rompt le lien
Et que l'honneur de sa presenca
Te face naistre quelque bien.

Fait par Madamoiselle
DE BEAULIEV.



DESCRIPTION DV
PREMIER VOYAGE QUE
les marchands François de S.
Malo, Vitré, & la Val, ont fait
aux Indes Orientales.

PAR FRANÇOIS
Martin de Vitre.



'E s t chose tres-
certaine que les en-
treprises genereuses
paroissent ordinai-
rement difficiles à
leur commencement, à cause d'un
ne infinité d'obstacles que la na-
ture des choses & l'enuie des hō-
mes (principalement de ceux qui
sont ignorans & despourueus de
courage) ont accoustumé de pro-
duire, sans le malheur desquels

plusieurs beaux effects & de tres-grāde importāce auroiēt vne tres-heureuse & tres-profitable issue, la nature mesme nous apprend ceste verité par plusieurs & diuerses experiences, nous faisant acheter aux prix d'une infinité de peines & de traux les fruits & les commoditez qu'elle nous donne pour nostre nourriture & entretenement. Ceux qui ont la cognoissance de l'histoire scauent assez que la difficulté & hauteſſe des desseins a rendu recommandable Alexandre le grand & tous les autres illustres Monarques du monde, plus que toutes les vertus dont ils estoient accompagnez. Je croy d'ailleurs que personne ne me pourra iustement reprendre si ie dis qu'il n'y a point de meilleure eschole pour former nostre vie, que de voir incessamment la diuersité de plusieurs autres vies,

& apprendre dans la varieté des meurs & des coustumes des nations estrangeres, principalemēt de celles, qui sont les plus esloignees de ceste partie du monde en laquelle nous habitons, le moyen de nous inciter à la vertu & de nous retirer du vice. Ce qui me faiēt deplorer le defaut de la nation Françoisē, laquelle estant plus que tout' autre naturellemēt pourueuē de viuacité d'esprit & de valeur redoutable, a neantmoins languy si long-temps dans le sommeil d'oisiueté mesprisant ces enseignemēs, & outre cela les tresors des Indes Orientales, desquels les Portugais & Espagnols se sont enrichis (si ie l'oze dire aucunement à nostre preiudice.) A la fin vne compagnie de marchāds de saint Malo, Vitre, & Laual, qui se sont reueillez les premiers pour effacer ceste honte, & enri-

chir le public des singularitez de
l'Orient, se sont resolus, exposans
leurs moyens & leurs vies aux ha-
zards de mille morts dont la mer
est remplie, de mettre les voiles
au vent pour y faire vn voyage.
C'est pourquoy l'an de nostre sa-
lut 1601. ils equipperent deux
Nauires l'un de quatre cens ton-
neaux nommé le Croissant, &
l'autre de deux cens tonneaux
nommé le Corbin, & pour l'ex-
cution de ladite entreprise estoit
chef, & principal conducteur, le
sieur Michel Frotet sieur de la
Bardeliere Bourgeois de la ville
de S. Malo, & pour son Vis admiral
ou Lieutenant general, Fran-
çois Grout sieur du Clos-neuf
Connestable dudit saint Malo,
& pour premier & principal mar-
chand estoit le sieur Christofle
Moreau sieur du Poiscant bour-
geois de la ville de Vitre.

Le dix-huictiesme iour du mois de May 1601. les deux Nauires cy-dessus nommez sortirent du port de S. Malo à la faueur du vent de Nordest pour commencer le voyage de l'Inde Oriëntale, le vingt & vniesme nous vismes huit Nauires. desquels l'Admiral & vis Admiral nous tirèrent deux coups de Canon, & nous pareillement luy en tirasmes deux, nous nous recogneusmes parlasmes ensēble, ils estoient Hollandois, alloient à l'Isle de May.

Le vingt-deuxiesme nous prinsmes hauteur le Soleil en son meridian, & trouuasmes quarante cinq degrez deux tiers.

Le troisieme iour de Iuin 1601. nous vismes l'Isle Sauuage des Canaries & la costoyasmes deux lieues pres, est en la hauteur de 29. degrez trois quarts.

Le quatrieme Iuin nous euf-

mes la cognoissance de l'Isle de la Palme, elle est en la hauteur de 28. degrez & demy, ceste Isle est haulte, de ce lieu voyons le pic de Tenariphle qui est vne Isle fort haulte situee en pareille hauteur, apres nous vismes l'Isle de fer, laquelle est esloignee de la Palme de dix lieuës, elle est situee en la hauteur de 27. degrez & demy, en ceste Isle de fer, il ne se cueille que du bled, & du sucre, & y a peu de vignes.

C'est vne chose tres-remarquable qu'en toute ceste Isle n'y a nulle fontaine, ny aucune riuie-re d'eau douce. Il y a vn arbre de la grandeur d'un noyer qui distille continuellement par les branches, & fueilles de l'eau dequoy tous ceux de l'Isle sont entretenus, il y a vn reseruoir au pied du dict arbre où se conserue l'eau, & distille incessamment.

Le 12. iour de Iuing, nous aperçeufmes l'Isle de saint Nicolas, qui est vne des Isles du cap verd, ladite Isle est en la hauteur de 17. degrez 12. minutes.

Le treiziesme iour de Iuin 1601. nous vismes l'Isle saint Iago, est en hauteur de 16. degrez, elle se monstre en trois grosses montaignes.

Le quatorziesme, nous nous trouuafmes en quinze degrez de leuation, ce dict iour nous vismes la croisee du pol'Antartique.

Le disneufiesme iour de Iuing, estant en la hauteur de 8. degrez le vent estoit variable, plus toutes-fois Sud qu'autre qui nous estoit contraire, outre cela, fufmes incommodéz de quelques trauades, qui sont de pluyes violentes avec du vent, lesquelles sont de peu de duree, & sōt ordinaires approchāt de la ligneequinoxiale.

Le 29. iour de Iuin nous nous trouuâmes en 5. degrez de hauteur, vîmes l'estoille du Nord fort basse, laquelle difficilement se pouuoit recognoistre, nous vîmes force oyseaux marins & poissons volants, lesquels sont en vne continuelle guerre, estât en l'eau sont poursuiuis de grands poissons vorasses qui sont les Bonites, albacores & dorades, qui s'en repaîssent & pour s'exempter de ce peril, sortent hors de l'eau, où estant à l'air volant il y a de plusieurs especes de grands oyseaux, qui voltigent sur l'eau, attendant l'occasion de les surprendre: ce qu'ils font s'ils ne regaignent incontinent l'eau, & lors que ces oyseaux en ont prins ils essayent de se desrober la proye l'un à l'autre ce qui dure quelque fois fort long temps. Nous prenions grand plaisir en ceste chasse de façon que ce

poisson pour estre vne chose extraordinaire il est aussi extraordinaire il est aussi extraordinairement traicté, n'ayant nul endroit de sur acciez, nature la pourueu des aisles qui est sa sauueté pour les autres poissons, & pour se garantir des oyseaux, comme poisson il a l'usage des poissons. Souuent ils voloient en nostre Nauire, il sont de tres delicat manger, ces grands oyseaux venoient se poser sur nostre Nauire, & se laissoient prendre avec la main, à ceste occasion nous les auons nommez fols, sont de bon manger.

Le 14. iour de Iuillet nous aperçeumes la coste de la Serliône qui est la terre de la Guynee, & au mesmes tēps nous aperceusmes deux Nauires & vne patache que nous iugiōs estre Flamēts; la patache se mist en deuoir de nous approcher, & voyant que nous ne

l'attendions, s'en retourna vers
ses Nauires: nous auions le Soleil
estant en sa plus haute esleuation,
quatre degrez.

Le 24. iour d'Aouſt nous pas-
ſasmes la ligne equinoxiale vers
le pole Antartique ou bande Au-
ſtralle.

Le 29. d'Aouſt nous deſcou-
urismes l'Isle de Anabon ſituee
en la hauteur de 1. degre deux
tiers vers le pole Antartique, di-
ſtante de quarante lieues de l'Isle
ſainct Omer & de la grande terre
de la Guinee environ de ſoixante
lieues. Les courans nous trans-
porterent à l'eſt vers la terre cro-
yant en eſtre eſloignez de plus de
cent lieues.

Le 30. d'Aouſt voulant ietter
l'ancre en la radde de l'Isle à vn
quart de lieuë prez de terre ayāt
fondé auparauant à dixhuit bras-
ſes d'eau, nous nous trouuaſmes

sur vn banc, où il n'y auoit que quatre brasses d'eau incontinent avec l'aide du bateau, & de la voile nous en desgageasmes.

Ce mesme iour nous enuoyasmes vn bateau garny de soldats vers les insulaires pour aller recognoistre, si nous pourrions traiter amiablement avec eux ayant charge de ne descendre qu'un homme a terre lequel y estant desploya vne enseigne blanche en demonstration d'amitié & demeura sur le riuage, incontinent vindrēt à luy sept Portugais & quelques Naigres ayāt semblablement vne enseigne blanche pour signe reciproque d'amitié. Ils estoiet armez d'espees & de mousquets, demanderent d'ou nous estions, & que si nous estions Chresties nous pouuions descendre à terre en toute seureté & serions les biens venus, sur le soir plusieurs des nostres al-

lerent à des petites Isles, qui sont
 environ vn quart de lieuë distâtes
 de la grande Isle d'où ils apporte-
 rent grande quantité d'oiseaux
 qui sont de viande aussi delicate
 que pigeonneaux, & se trouuent
 en telle quantité que marchant
 on trouue les petits sous les
 pieds & les plus grands voltigent
 sur la teste tellement qu'avec vn
 baston on les tue facilement.

Le dernier iour d'Aoust mil six
 cens vn, fut renuoyé vers les insu-
 laires, lesquels ratifierêt leur dire
 du iour precedant, les nostres sui-
 uant le commandement qui leur
 auoit esté donné, demanderent
 hostage & qu'ils demeureroient
 au lieu, ce que le Capitaine de
 l'Isle faignit trouuer bon deman-
 dant aux siës s'ils vouloient aller,
 nonobstant ils firent present aux
 nostres d'un plein panier d'oren-
 ges & Bananes avec quoy ils re-

uindrent.

Ce mesme iour six des principaux des Nauires allerent vers l'Isle avec vn present de quelques bouteilles de vin & biscuit pour le Capitaine de l'Isle, lequel les receut fort bien leur faisant grande demonstratiō d'amitié. Ceux qui demurerent au batteau demanderent quelqu'un pour leur monstrier l'eau douce pour en apporter aux Nauires, leur a esté baillé deux Neigres pour les y cōduire, lesquels ne voulurēt s'ēbarquer, mais s'acheminērēt par terre, les nostres les suiuiās le long de la coste iusques au lieu où estoit l'eau, la où ils réplirent leurs vaisseaux, ceux qui estoient demeurez à terre furent se promener avec les Portugais à vne petite Chappelle, de laquelle ils dirent auoir osté les ornemens lors qu'ils auoient veu les Nauires, les nostres apres

auoir faict leurs prieres retourne-
 rent vers le Capitaine Portugais
 qui les mena voir vn iardin, au-
 quel y auoit beaucoup d'arbres
 fruietiers, comme Orangers, ban-
 naniers, palmiers, roseaux à sucre,
 & autres fruiets qu'ils nomment
 Panama, estant en ce lieu goustât
 des fruiets, leurs môstrerent quel-
 ques couteaux, les neigres feignât
 les vouloir acheter, & en cês ter-
 mes de negotiatiô, les nostres fu-
 rent enuironnez des neigres &
 des Portugais, de maniere qu'en
 vn instant furent saizis & desar-
 mez sans se pouoir mettre en
 deffence excepté l'vn d'entr'eux
 qui estoit Lieutenant du Capitaine
 du Corbin lequel auoit vn poi-
 gnart au costé, duquel il frappavn
 Mullestre qui le tenoit saisy, luy
 faisant laisser prinse, estant laissé
 mit la main à l'espee se voulant
 deffendre, blessa vn neigre, incon-

rinent se iettèrent tous sur luy a-
 uec bastons & espees, & le firent
 tomber, apres luy donnerent plu-
 sieurs coups d'espee, les autres
 estants tous desarmez requirent
 que le blessé fust porté au Nauire,
 ce qui leur accorderent & le firēt
 conduire dedans vn petit batteau
 qu'ils nomment canoua par vn
 garçon qui estoit des Nauires
 apres l'auoir despouillé, estant ar-
 riué au Nauire a rendu l'esprit, les
 autres se voyant conduire aux
 montaignes demandent ce qu'ils
 vouloient faire d'eux, respondi-
 rent qu'ils vouloient qu'ils payas-
 sent rançon à laquelle s'estant
 obligez leur firent bon traicte-
 ment, au mesmes temps leur bail-
 lerent vn memoire contenant ce
 qu'ils demãdoient pour leur ran-
 çon & pour traicter de laquelle ils
 enuoyerent vn des prisonniers au
 Nauire, leur fut mandé qu'ils en

accordasēt eux mēsmes ce qu'ils firent avec argent, vin, pain, sel, pouldre a canon, plomb, toille, mousquets & autres, montant à la valeur de quinze cens escus, avec condition que les rançons se bailleroient a quatre fois, à chaque fois que l'un d'eux reuiendroit, ce qui fut fait.

L'isle Danabon est situee au sud de la ligne equinoxialle en vn degré quarante minutes de latitude: elle est habituee de quelques cent Neigres & de huit Portugais, desquels l'un est Capitaine, il y a quelques mulastres ou mestis ce est à dire persōnes yssuz d'hōmes blancs & de femmes noires, ces Neigres sont robustes & bien formez, allans nuds reseruez les parties honteuses qu'ils couurent de quelque simple toille de coton, semblablement les femmes vont nues reseruē vne toille de coton
qui

qui leur couure les parties hôteu-
 ses & la moitié du ventre, celles
 qui nourrissēt des enfans les por-
 tēt derriere elles & ont les mam-
 mellesqui sont si longues qu'elles
 les peuuent allaitter sans les oster
 de derriere elles, il y a aussi de fort
 belles noires & biē formeez, aus-
 quelles ne reste que la couleur
 pour perfection de beauté, tous
 ces Neigres sont esclaves du Sei-
 gneur de l'isle, qui demeure a l'isle
 Saint Omer, ils sont Chrestiens.
 L'isle contient de circuit quatre
 lieuës & y a quatre villages, ils n'ōt
 aucune sorte de bled, il y a deux
 hautes montaignes toutes cou-
 uertes d'arbres qui est le lieu de
 leur retraite, lors qu'il arriue quel-
 que Naire, ils ont grande quan-
 tité de fruiçts de bannanes qui
 leur seruent de pain, beaucoup
 de ris, de mil & coton, & vivent en
 ommun, leurs maisons son fort

basses , sont faites de branches de palmes & roseaux , quelques vns son mariez , & lors qu'ils se marient si la fille a son pere, sont marry & elle sont tenus de le nourrir & se retirent avec luy , ils n'ont tous que leur nourriture, le profit qu'ils font appartient au seigneur de l'isle , leur boire est le vin de la palme qu'ils tirent, coupant vne branche , lequel ne se garde plus d'un iour sans deuenir aigre. Aux petites isles qui sont proches de la grande , y a grand nombre d'oiseaux marins qui viuent à la Mer, & la nuit se retirent en ce lieu, ou ils font leurs petits , ils y sont en si grande quantité qu'il est presque incroyable, en ces petites isles n'y a aucune verdure , ce ne sont que rochers & pierres brulees qui se brisent fort aisement , ce qu'un des nostres esprouua à son dommage, pour suiua des oiseaux sur ces

rochers, y a quantité de poissons aux enuiron.

Le seiziesme iour d'Octobre mil six cens vn, nous mismes a la voile avec la faueur du vent de suroist. Le long sejour que nous fismes en ceste isle proceda du vent qui estoit contraire, que aussi des grands courrans de lest au louest, qui nous ietterent a la coste de la Guinee.

Le treiziesme Nouembre mil six cens vn, deceda vn marinier de saint Malo qui fut le premier qui mourut en nostre Nauire, fut ietté hors, & pour ses obseques on tira vn coup de canon, & fut ietté vn tison de feu, qui sont les ceremonies de la Mer qui s'observent en tel cas, il y auoit grand nombre de malades du scurbut, regnoit le vent de suest.

Le dixseptiesme Nouẽbre mil

six cens vn, nous descouurismes l'isle S. Heleyne & la cottoyasmes de fort pres pour nous garnir du vent, la rade estant au norroist, nous posasmes l'âcre a vingt cinq brasses d'eau a la portée d'un mousquet proche de terre, au droict du passage y a vne chappelle & quelques maisons, des palmiers & autres arbres.

Ayant ramassé les voiles on enuoya en terre pour recognoistre, furent trouuez plusieurs billets sur l'autel de la Chappelle comme les Nauires Flamants auoient passé, & s'estoient rafreschis en ce lieu venant des Indes.

L'isle sainte Heleyne est située sous les seize degrez vers le pôle antartique quatre cents cinquante lieuës du promontoire de bonne esperance, & contient de circuit sept lieuës, & de trauers trois lieuës, elle est quarrée

en quatre pointes principales, l'air y est si bon & pur que l'on scauroit desirer, comme il a esté montré par nos malades du scurbut lesquels ne pouuoient aller ny souffrir estre maniez sans endurer grandes douleurs, la plupart prests de rendre l'esprit, en cinq iours qu'il seiournerent en terre recouurerent leur santé allant la plupart trois iours apres au montaignes a la chasse.

Ceste isle a esté peuplée de plusieurs sortes d'animaux par les Portugais qui en meritent grandes louanges ces rafreschissemés estant comme vne manne aux nauigans qui viennent des Mers du Sud & Indes Orientales, estât leur retraite pour faire eau & se rafreschir trouuant toutes choses qui sont necessaires aux nauigans le lieu n'estant propre pour

labourer , seulement pour les animaux comme cheures desquelles y a grande quantité, comme aussi des Sangliers qui se trouuent en ce lieu pareillement beaucoup de perdrix lesquelles sont blanches & plus grosses que celles de par deça , force ramiers, poulles d'Indes, faisants: Pour les fruiëts citrons, orenge, figues, & a tous les vallons y a des ruisseaux de tresbonne eau , bien que en ceste isle il se trouue du soufre , l'eau estant long temps gardée en a quelque goust, nos despensiers debondant vn tonneau plain de ceste eau , la vapeur qui en sortist s'enflamba a la chandelle comme poudre a canon ayant l'odeur de souffre : toutesfois ceux qui en ont beu estant en ladite isle n'en ont nullement esté incommodé soit a cause de sa nitrosité qui empesche qu'elle ne seiourne dās

l'estomac, aussi qu'elle lasche le ventre. Autour de l'isle sur le riuage s'y fait du sel sans artifice qui suffist pour l'vsage de ceux qui vont s'y rafraeschir : au long des ruisseaux s'y trouue forces herbes comme pourpier , graine de moustarde, fenouil-marin , malues & autres lesquelles ie croy y auoir esté semez par les Portugais, sur le haut des montaignes il y a beaucoup d'Ebene, bois de rose, & autres ressemblant de la fueille au Cistus, rendant vne liqueur comme therbentine assez suauue qui sont de la grandeur d'Oliuiers , se trouue aussi grande quantité de poissons aux environs.

Le vingtsixiesme Nouëbre mil six cens vn, nous auõs mis a la voile & laissames vn billet sur l'autel de la chappelle (contenant que nous allions aux Indes) le vent

estoit suest qui regne ordinairement en ce lieu la.

Le vingt neuuiesme estant en dixneuf degrez voyant que auions doublé les arbrouilles qui sont des bancs en mer vers la coste du Bresil lesquels sont fort dangereux, & ne se pouuant doubler, l'on est contrainct s'en retourner & perdre le voyage, a ceste consideration, les Portugais ayant doublé ces bancs ont accoustumé en signe de resiouissance faire vn Roy, eslisant celuy a qui eschet vn certain billet, & a leur imitation nous en fismes vn, & DIEU voullut que le sort tomba sur moy, & celuy qui est Roy a tout pouuoir durât ceste solennité, laquelle dure ordinairement quatre ou cinq iours, qui ont accoustumé de se passer en festins & ioye, le iour de ma promotion ie fist deliurer quelques prisonniers

qui estoient a la chaine.

Le vingtseptiesme Decembre mil six cens vn, la nuist nous vismes la terre du Cap de bonne esperance. Au poinct du iour nous descourismes deux Nauires Flamants, qui nous dirent estre de Camfer, pour le grand vent qu'il faisoit nous ne les peusmes entretenir dauantage.

Le lendemain ils vindrent en nostre Nauire, & nous dirent auoir esté a l'isle d'Anabon, où de leurs hommes en fut tué deux & six blesez, ils ne peurent descendre en terre. Allant le long de la coste de Natal toute la nuict, nous vismes force feux sur le pays.

Sur les huit a neuf degrez de la ligne equinoxiale, à soixantelieuës de terre nous commençâmes de trouuer les vents de suests qui nous conduirent ius-

ques a vingt six degrez , où nous trouuafmes les vents variables de Oist Norroist sud Suroist & ont continué iusque en ceste hauteur.

Nauigants le long de ceste coste nous vismes vne grande quantité de loups marins, qui ont la teste comme gros mastins , les Flamans estant en l'Abbaye de Saldaingne il y eut grosse troupe de ces loups qui s'efforcerent de leur empescher la descente en terre , ils ont la peau si dure qu'on ne la peut percer avec vne espée.

Le quatriesme Feburier mil six cens deux , nous descouurimes l'isle de Madagascar ditte autrement de saint Laurens estant en vingt & vn degré de hauteur , il y auoit entre nous grande quantité de malades qui estoit cause que desirions fort descen-

dre en terre pour nous rafreschir.

Le cinquiesme iour estant a la veuë de la terre, le vent de sud Suest augmenta qui estoit propre pour aller vers les isles de Comoro, ou esperants trouuer plus de commoditez, nous resolumes d'y aller.

Le septiesme iour de Februrier mil six cens deux, la tourmente a commencé a s'esleuer par impetuosité du vent de Suroist, & sud Suroist, incontinent apres nous perdismes le Corbin de veuë a cause de l'air obscur quelques vngs des nostres commencerent a dire qu'ils voyoient la terre a laquelle le vent nous iettoit & pour euiter ce peril nous desployasmes nos basses voilles lesquelles furent incontinent deschirées par la tourmente, de façon que nous demeurasmes sans voilles, la tempeste dura iusques

a l'vnziesme iour dudit mois, durant laquelle fusmes contrains couper nos matreaux, ietter de nos canons en mer pour soulager nostre Nauire lequel estoit tout ouuert tellement qu'il y entroit plus d'eau qu'il ne s'en pouoit tirer par le moyen des pompes. La tourmente estant cessée nous reprismes la route de l'isle saint Lorens qui estoit la plus prochaine terre ou y auoit commodité de reparer le Nauire.

Le dixneuuesme Feburier nous posasmes l'ancre en l'Abaye de saint Augustin, dedans l'isle saint Lorens, estants encore vne lieue hors a la mer nous apperceusmes vn Nauire a l'encre, lequel ne pouuions cognoistre, l'approchant nous recogneusmes que c'estoit nostre compaignon le Corbin, en aussi mauuais equipage que nous

par la tourmente, ce fut vn grand contentement tant d'vn costé que d'autre d'auoir faict vne si heureuse rencontre.

Ladite Abbaye estât en vîngt-trois degrez de hauteur, se voyët des marques sur le pays qui sont vne montaigne faicte en forme de maison ou table, & estant le trauers quatre lieuës plus sud est ladite baye avec vne autre petite montaigne aupres.

Le 22. apres auoir recognu le meilleur endroiët & plus propre pour faire sejour nous commençâmes à faire quelques logemēs, ausquels nous laissâmes des arquebusiers pour les garder.

Ce mesme iour entra en la susdite baye vn Nauire Flamant lequel auoit perdu tous ses Mats, voiles, & cordages par la tourmente. Lors nous commençâmes à descendre nos malades en

terre, en celieu il faisoit vne excessiue chaleur pourestre nostre logement au pied d'une montaigne sur le sable, aussi qu'estions sous le tropicque de Capricorne.

Le 26. on enuoya des arquebusiers aux montaignes pour auoir quelque bestial des sauuaiges, estant vne lieuë sur le pays, ils envirent quelques vns avec leurs armes, qui sont darts, ils ne voulurent s'approcher des nostres lesquels s'en reuindrent au fort sans rien apporter que quelques fruiçts appelez tambauriôs, (qui sont comme teste de pauot & ont le dedans semblable à la Casse tât au goust qu'à la couleur, mesmes qu'il est lenitif, l'arbre qui porte ce fruiçt ressemble de la fueille au fouteau, & est de la grandeur d'un poirier) & force fruis de tamarins.

Ce mesme iour apres midy

vindrent au pied de la montaigne sur la greue, bien vingt sauuages, amenant quelque bestial dont ils contrefaisoient la voix, n'ayant autre langage pour ce faire entendre, & plus pour nous recognoistre, que pour enuie qu'ils eussent de traficquer, & de faict ne voulurent rien trocquer, quelque offre qui leur peut estre faicte, on leur donna à chacun vn couteau dequoy ils ne firēt point d'estat à cause qu'ils en auoient, apres cela ils s'en retournerent monstrant par signe qu'ils viendroient le lendemain.

Le 3.iour de Mars les Sauuages reuindrent avec beaucoup de bestial, dont ils nous fournirent moyennant des cuilliers de cuisine, des patenostres de verre, il nous firent si bon marché que pour vne cuiller nous auions vn mouton & ainsi du reste à ceste

proportion.

Leurs moutons, n'ont point de leine comme les nostres : mais ont le poil cōme celuy des veaux & la queue fort grosse de pure gresse, les bœufs ont vne bosse sur le col fort grosse, qui est aussi toute de gresse.

Peschant au riuage de la Mer, se trouua dans les Rets, vne sorte de petits Poissons lesquels estans hors de l'eau s'enfloiēt fort gros, ceux qui en mangerent furent troublez d'esprit par l'espace de vingt-quatre heures, à ceste occasion nous les nommasmes crapaux de Mer, il sont neantmoins fort bons à manger, en ce lieu il faisoit fort grand chaleur & estant proche d'un bois marecageux, nous voyons tous les soirs sortir certains animaux plus gros que mousches, qui remplissoient tout l'air.

Le 18. iour de Mars, six de nos hommes s'enfuirent aux montaignes pour s'habituer avec les Sauvages, où ils demeurerēt sept iours, & voyant qu'ils nepouuoient trouuer dequoy viure, furent contraincts par la necessité de reuenir & demander pardon à nostre General.

En la riuiera d'eau douce, se trouue grande quantité de Cocodrilles, nous en tuasmes plusieurs avec des arquebuses, durant nostre sejour en ce lieu, nous eusmes grande quātité de Bœufs, Moutons, volailles, & autres rafraichissemens, le tout en trocque de peu de choses, comme seroit des cueillers de cuiure, iettons & autre chose de peu de valeur.

En ce lieu nous fusmes fort affligez de fieures pestilencielles dōt moururent plusieurs des nostres.

Ce lieu est fort fertile en be-

stia, en quoy consiste leur bien, ils vont changeant de demeure selon les saisons de l'année conduisant leurs troupeaux avec eux.

Ils ont quantité de coton fort fin de quoy ils sçauent faire des toilles, lesquelles leur seruēt pour couvrir leur parties hôteuses, les hommes n'ayant rien qu'une de ces ceintures, & les femmes outre leurs parties honteuses s'en couurent une partie du seing ayant le reste nud.

Ils ont de petites maisonnettes de cannes & branches de Palme, pour toutes armes ont des aguais ou dards faicts de bois de fendal rouge pour le plus.

Le 15. iour du mois de May nous mîmes à la voile, les vents d'auail commanceant à regner en ce temps.

Le 23. iour de May, nous descourîmes les Isles de Comoro

qui sont en douze degrez & demy d'eleuation, nous posasmes l'ancre en l'vne appelée des Insulaires Malailli, nous y trouuasmes plusieurs qui parloient Portugais y ayant de plusieurs nations, comme Arabes, Perses, & autres la pluspart portant le Turban, en chacune de ces Isles y a vn Roy, elles sont fort fertiles en fruiçts, sçauoir Orenges, Limons, noix d'Indes ou Cocos, Ris, Bonnanes. En Bestial comme Bœufs, Vaches, Poulailles & autres.

Les Insulaires sont noirs puissans & robustes, y a quantité de Mulastres la plus grande partie nuds couurant seulement leurs parties honteuses d'vne toille de coton, semblablement les femmes, vont nues ayant vne ceinture qui leur vient a la moitié des cuisses & au nombril, vne autre qui leur couure le seing, on ne

peut discerner les hommes d'avec les femmes, excepté au drap de cotó qui leur couvre le seing: elles ont la teste rase & nue comme les hommes.

En cesdites Isles l'air y est fort salubre, ce qui profita beaucoup a nos malades y recouurerent bien tost leur santé par le moyen de ses fruiets & du bon air.

Leurs armes sont alfenges, & grosse à gayé ou iaelots, il y a trois Isles qui se voyent tout d'une veue ils les nomment comme nous, d'autant que Comoro en leur langage signifie larrós comme auons appris d'eux, celle ou estions s'appelle *Malaiilli* la seconde *Iouani* la tierce *Gouarsige*.

Le 7. Iuin, 1601. nous partismes de celieu, & le 21. dudit Iuin, nous repassames la ligne equinoxiale vers le polle artique, nous eusmes des calmes, & quelques

trauades, iusques a auoir esleuë
trois degrez.

Le 1. iour de Iuillet 1602. ayāt
cinq degrez d'eleuation, la nuit
il fit vn orage lequel emplit d'eau
nostre Gallion qui estoit attaché
au derriere de nostre vaisseau ce
qui nous retarda fort long temps
desirant le sauuer nous abbaissas-
mes les voiles. Au point du iour
nous eusmes la veuë de plusieurs
bancs & Isles qui s'appellent les
Maldiues, ceste perte neātmoins,
fut cause de nous sauuer la vie: la-
quelle sans miracle nous eussions
perduë; si de nuit nous fussions
arriuez en lieu si dangereux, du-
quel nous pensions estre esloi-
gnez de quatre vingts lieuës.

Le 2. iour de Iuillet 1602. à
l'aube du iour nous vismes le
Corbin esloigné d'un quart de
lieuë de nous qui auoit perdu son
grand mats, incontinent apres au

point du iour nous vismes qu'il estoit eschoué sur le banc, la Mer passant par dessus le corps du Nauire, il auoit encore son mast de Mizene, & sa voile haute, lequel tomba peu de tēps apres ce nous fut vn fort piteux spectacle voir nos compagnons perir sans leur pouuoir ayder, & ne sçauions que esperer de nous, estant encores si proches d'vne infinité d'Isles & de bancs, que nous craignons ne pouuoir doubler, le vent nous estant plus contraire que fauorable, de façon que nous estions en grand angoisse, sur les deux heures nous apperçeusmes vn batteau à la voile entre les Isles & les bancs, qui alloit vers les lieux où s'estoit perdu le Corbin. Nous auions de hauteur 5. degrez trois quarts.

Le 3. Iuillet au matin, il fit vne tourmente, qui dura enuiron trois

heures & brisa nostre grand voile, alors que nous commençons d'entrer en nostre route. Nous descourismes d'autres Isles & bancs qui estoient neantmoins la suite de ceux d'où nous pensions estre sortis, cela renouuella nostre malheur, pour nous en tirer hors, nous mîmes le cap au nort, estions de hauteur par estimation en 7. degrez, à cause que le Soleil ne paroissoit.

La nuit au second quart nous vismes des bancs & Isles de tous costez, desquels nous auions passé fort prez, il faisoit clair de Lune ce qui nous soulageoit fort, nous tournâmes en plusieurs bordees attendant le iour, nous estions en grand peine ne seachant de quel costé aller, descourant du danger par tout.

Le 4. nous nous trouuâmes entre plusieurs Isles & bancs,

nous vismes vne Isle de laquelle nous approchasmes pour y poser l'ancre, estant pres, nous vismes plusieurs habitans de l'Isle, qui estoient nuds à courir sur la greue, le cable & l'ancre prests pour ietter hors, vn marinier qui estoit sur le grand matereau, nous dist voir vn passage entre les bancs assez large, incōtinent nos pillotes dirent estre les bancs marquez au bout des maldiues, ausquels y a passages six à sept lieuës, ce qui nous fist passer outre costoyant ces bancs ou la Mer rompoit estrangement.

Ceste Isle est fort petite n'ayāt plus d'un quart de lieuë de longueur, autant de largeur fort basse, comme sont toutes ces Isles, elle est toute couuerte de bois iusques au bord de la riue, est fort verde & plaisante a voir, estions de hauteur à Midy en sept degrez

12. mi-

12. minutes, la nuit nous eufmes beaucoup de pluye, ce qui est ordinaire en ces Isles.

Le 5. iour de Iuillet 1602. nous ne vifmes aucunes Isles ny basses ce qui nous dōna assurance que nous estions hors des bancs de Maldiuës : comme aussi la hauteur le monstroït, qui estoit ce iour 8. degrez 26. minutes nous fismes nostre cours à l'est, Nordest, & a l'est vn quart du Nordest.

Le septiesme, auions de hauteur à midy 8. degrez 2. tiers, nos pillotes estimoient estre le trauers du Cap de Comorin.

Le huitiesme, nous nous trouuâmes au trauers de l'Isle de Zelan, qui est proche du Cap de Comorin 38. lieues, & entre ledict Cap & l'Isle, ce faict la pescherie des perles les plus belles & fines qui se voyent. Ceste Isle est peuplee des Gentils, ont vn Roy, la

pluspart sont bazanez , allās nuds iusques a la ceinture, & sont couverts en bas de la ceinture, de drap de coton & de soye. Ils ont en teste yne maniere de turbans, portant anneaux d'Or & de fines pierreries, comme aussi c'est le lieu de toutes les Indes ou il s'en trouue le plus de fines & en grande quantité, pareillement la meilleure canelle y ayāt là des forests de ces arbres & de mirabolants, dequoy ils ne font grande estime, elle est fertile en toutes sortes de fruiçts qui viennent aux Indes, y a des cerfs, paons, lieures, lapins, nous auions desir d'y aborder: mais le vent estant bon pour nostre route nous passasmes outre.

Ceux de l'Isle appellent la canelle *Curdo*, nous auions ce iour de hauteur six degrez 6. minutes, de la bande Septentrionnale ce que fut occasion que nous fismes

nostre cours à l'est pour aller vers Sumatra.

Les Indiens tiennent, que c'est le lieu du Paradis terrestre, & que les pas de nostre premier pere y sont encores marquez sur les pierres pour perpetuelle memoire.

Le 14. au matin nous vismes quelque apparance de terre, se qu'aussi nous esperions voir sçavoir les Isles de Nicobar, qui sont cinq ou six en nombre de petite estendue, ainsi dictes des Portugaiz, d'autant qu'il si trouue quantité d'ambre, elles sont dans le golfe de Gange, trente lieues de Sumatra. C'est où les Nauires qui vont aux Indes ce vont rafraichir: y ayant de bons ports pour les Nauires & commodité de bonne eau des chairs, tout ce iour fut fort fascheux, nous eusmes plusieurs bourasques de vent & pluyes, le Nauire tiroit force eau,

tellement qu'il ne falloit presque bouger de la pompe, & voyant que ne pouuions auoir les Isles de Nicobar, nous auons tiré vers Sumatra, ny ayant que trante ou quarante lieues dequoy nous ne pouuions asseurement iuger, n'ayant prins hauteur depuis quatre ou cinq iours que le Soleil n'auoit nullement paru, l'air estant fort nebuleux.

Le 15. Iuillet 1602. le temps se tint couuert toutes-fois sur le midy, le Soleil apparut & fut prinse hauteur souz 5. degrez deux tiers.

Le 17. iour de Iuillet 1602. sur les deux heures apres midy nous descourismes la grande Isle, de *Sumatra*, qui nous apporta vne grande ioye y ayant 14. mois que nos estions partis de France, ce iour mesme nous posasmes l'ancre prez d'une Isle appelée des Indiens, *Pouloué*. doublant la

pointe du Nort, passasmes par entre ladite Isle, & vne plus petite, le passage est perilleux, neantmoins nous fusmes contraints d'y passer à cause que le Soleil estoit borda l'horizon, ne scachant s'il y auoit moyen de ietter l'ancre.

Le 18. iour de Iuillet 1602. nous preparasmes dans le Nauire les choses necessaires pour assailir ou deffendre en cas qu'il en fust besoin.

Le 19. iour au matin à la fin du dernier quart, l'ancre par la force du vent, perdit sa prinse, de maniere que nous fusmes contraints d'aller aborder à l'Isle de *Gamis-polla*, où iettant la sonde, il y eust vn poisson, moyënement grand, comme maniere d'Orfi, qui engloutit la sonde qui pesoit quelque douze liures, retirant la sonde de l'eau, nous l'amenasmes sur l'eau, ou il se debatit avec telle

violence qu'il coupa la ligne & emporta le plomb qu'il auoit deuoré.

Le 23. vne petite Ioncque qui est vne espece de barque parut assez prez de nous, vers laquelle nous enuoyasmes nostre batteau pour scauoir qu'ils estoient, ils nous firent entendre qu'ils estoient d'*Achen*, & qu'il y auoit quatre Nauires Anglois à la Rade, & vn Nauire Portuguais de bengalle, & vn Flamant, nos Pillotes ny auoient point encores esté, ils nous promirēt nous y conduire, leur donnant vne piece de 8. realles, le soir ils approcherent du Nauire, incontinent nous enuoyasmes querir ceux qui nous debuoient pilloter, lesquels ne voulurent venir, que premiere-ment on enuoyast deux des nôtres en hostage, ce qui fut fait, & lors vindrent libremēt a bord.

Le 24. Iuillet vne heure deuant le iour, nous desployasmes nos voiles pour venir, *en Achem*, ville Capitalle de Sumatra & sur les six heures du soir nous iettasmes l'ancre à la Rade à huit brasses de fonds, vn de la part du Roy, nous vint trouuer pour scauoir qui nous estions.

Le 26. Iuillet 1602. nostre General sieur de la Bardeliere descendit en terre pour aller saluer le Roy, avec vn present de verrieres de cristal, & vne esguiere & bassin d'Argent, il fut bien receu du Roy lequel n'auoit iamais veu en ce lieu des François, il fut environ trois heures avec luy, il s'informa fort particulièrement de nostre voyage, il luy fist vn present d'un habillement à la façon du pays de toile de coton, ouuragé d'Or & de soye platte, qui luy fit vestir en sa presence, en outre

pour cinquante escus de petites
pieces d'Or qui est la Monnoye
du pays, & le fist reconduire sur
vn Elephant luy promettant li-
bre vsage de toutes commoditez
qui se trouuoient en sa puissance,
dez ce iour quelques vns de nos
matelots ccoucherent en terre y
trouuans à vendre de la volaille,
& de Larac qui est leur breuuege
faict avec cannes de sucre, ris, &
coccos, distillez par allambic de
terre, ce breuuege est fort comme
de l'eau de vie.

Le 28. nostre General fut voir
le Prince, qui est le fils aîné du
Roy, auquel il fit vn present de
verrierie & de six aulnes d'escar-
latte rouge, & luy donna vn Cris
qui est leur arme, qu'ils portent
communement que comme vne
espece de poignart, garny d'une
roze d'or, avec quelques pierre-
ries.

Le 29. Iuillet on nous donna par le commandement du Roy, vne maison, ceux des nostres qui vouloient descendre en terre y allerent librement, peu de iours apres on commença de porter quelques marchandises en terre.

Quelques Turcs habitans au pays acheptent ordinairement le Poiure des Paysans, pour le reuendre, nous en offrirent plusieurs fois qu'ils auoient mouillé, & pour le plus estoit leger, pensant que nous serions bien ayse de nous en charger promptemēt & sans recognoistre, ayans perdu l'esperance de nous en tromper, ils s'en deschargerent aux Anglois qui auoient enuie d'en charger vn de leurs vaisseaux pour le renuoyer.

Ils venoient tous les iours nous chercher, pour achepter de nos marchandises à sçauoir des Mi-

rouërs, des ouurages de verres & autres especes de manufactures.

Vn Capitaine de Patani (qui est la terre ferme de Malaca) nous vint trouuer si nous voulions venir audit lieu de Patani il nous feroit charger nostre Nauire de Poiure pour le prix de huit pieces de 40. sols, le Bahar qui pese trois cens soixante liures, pour cest effect, il offroit s'embarquer à nostre Nauire.

Le 17. Septembre, 1602. deux Nauires Flamans qu'auions trouué l'un au Cap de bonne esperance, l'autre à l'Isle saint Laurent, entrerent à la Radde, venoient de Seillon & auoient fait trafic de Canelle & pierreries.

Le sixiesme d'Octobre le Sabendar qui est le Connestable du pays vint voir nostre General, & avec luy fist marché du Poiure.

Le 18. Octobre 1602, & les

iours ensuiuans plusieurs Nauires arriuerent de Guzerate & de Nigre Paten , qui sont en terre ferme, estans chargez de toilles de Coton, de Canelle, Indigo, & pierreries de plusieurs sortes.

Le 22. des Portugais venant de Pedir, arriuerent par terre sur des Elephans, craignant d'estre prins par les Anglois sur la mer, ils nous asseurerent d'auoir veu vingt-cinq hommes qui s'estoient sauuez du Corbin avec deux Bateaux, l'un de la terre où y auoit 14. hommes, & en l'autre 11. ils s'estoient venu rendre entre le Cap de Comorin & l'Isle de Seillon à la pescherie des perles.

Tous ces iours il fit vne fort grande pluye qui fit desborder la ruiere de telle façon qu'on ne pouuoit aller par les ruës qu'avec des petits Bateaux: qui sont tous d'une piece, qu'ils nomment Ca-

nouas, ce qui arriue tous les ans en pareille faison, qui est cause qu'ils n'habitent point par bas, mais font leur demeure au premier estage de leur Maison.

Le 28. fut enuoyé au Roy vn present, pour luy demander vne permission d'aller à Pedir, qui est vn Royaume proche de trente lieues : où regne vn de ses fils, ce qu'il oſtroya, & enuoya à nostre General vn quartier de Buffle noire qu'ils prirent plus que toute autre chair, & des fruiſts appelez Mengues, quelques vns des nôtres y allerent par son commandement, & sejournerent environ quinze iours, ils furent fort bien receus du Roy, beurent en sa presence de leur arac, & les festoya de sorte, qu'au despartir, fut contrainct s'en aller coucher & ne sortir point le lendemain. Il leur demanda s'ils vouloient des femmes, il auoit vn grand nom-

bre d'Hermafrodites, il leur fit
present d'un Buſſe noir, ſucre,
& quelques autres fruiſts. Ce ieune
Roy ne ſe gouuerne comme
ſon pere, tous ces Gentils-hōmes
ſont plus libres & mieux entrete-
nus, il s'exerce iournellement à la
Chaffe des Elephans, & des Ty-
gres par les montaignes & boca-
ges où ils habitent; il n'a aucune
femme à ſa garde.

Sumatra par cy deuant appel-
lee la Taprobane eſt ſituee pro-
che du Cap de Malaca, & eſt le
lieu (ſelon quelques vns) où Salo-
mon enuoya querir l'Or d'Ophir,
ce que teſmoigne l'Eſcriture ſain-
cte, quelques vns tiennent qu'elle
a eſté continente à la terre ferme
de Malaca, elle eſt ſituée ſoubs la
ligne equinoxiale, & bien que
l'ardeur du Soleil y ſoit grande,
elle eſt temperee par la fraicheur
de la nuit, ayant preſque touſ-

iours, esgalité de iour, & de nuit.

Ont le Soleil deux fois l'année pour Zenit, & lors n'ont leur plus grande chaleur a raison de la grande quantité de vapeurs que le Soleil attire, lesquelles ne pouuant consommer, se conuertissent en pluye, elle contient depuis cinq degrez, de la bande Septentrionale vers le golfe de Gange, iusques en six degrez de la bande Australe vers l'Isle de Iaua Major.

En ceste isle il y a plusieurs Rois, le plus puissant est celuy d'Achem, cy trouue quantité d'Or, & cuiure, & beaucoup des pierreries & drogues Aromatiques, plusieurs disent que sur le pais il y a vne fontaine qui flue du Baume.

LES MANIERES DE
*Viure que nous auons obseruez
 durant nostre sejour
 aux Indes.*



Le peuple est d'assez grande stature y ayāt plusieurs de bien formez, & d'autres imparfaits comme pardeça, n'estant si noirs que ceux de la Guinée, ny le nez enfoncé, ils sont de couleur iaunatre, & bazanez: grāds trompeurs & menteurs.

Leurs vestemens pour le commun c'est vne ceinture autour du corps, qui leur cōuure leurs parties honteuses, le reste nud, les nobles & Marchans ont vn drap de coton ou de soye qui les ceint autour du corps, & leur vient sur les genoux, & vne maniere de casques fort amples, les manches lar-

ges & ouuertes par le deuant.

Portent vne maniere de turbans comme vne iartiere faisant seulement vn tour a la teste.

Les femmes son couuertes d'un drap de coton, de la ceinture iusque aux genoux, & vn autre qui leur couure depuis le sein iusques a la ceinture. Les autres ont le corps nud, fors vne escharpe qu'ils passent par dessus vne espaule, & leur couure vne partie de la poitrine, ont la teste nue, ayāt le poil seulement attaché.

Le Roy est aagé de 63. ans, & a reigné dix-huiēt ans? estoit simple peſcheur, & par sa valeur il fut biē venu aupres du Roy, & quelque temps apres le tua, & ce fit Roy. Du depuis, nul hommen'approche de luy, de crainte d'en receuoir autant. Il a sa garde composee de femmes qui portent l'espée, & l'arquebuse, & sont aussi adroi-

tes que les hommes, tout le train
 de sa maison, est de femmes, & nul
 homme n'approche de luy, elles
 font monstre deux fois la semaine.
 Il a deux femmes legitimes
 desquelles il a quatre enfans, deux
 fils & deux filles, l'aisné est courō-
 né Roy, & commande en l'absen-
 ce de son pere en toutes choses, &
 en sa presence n'a nul pouuoir. Le
 second gouuerne le Royaume de
 Dir, le Roy s'appelle Touan Qui-
 ta, qui est à dire Seigneur & Roy,
 ce Roy a plus de trois cens con-
 cubines qu'il prent sur le pays, a-
 pres s'en estre seruy, les donne en
 mariage a ces Gentils hommes,
 leur baillant des moyēs pour s'en-
 tretenir seulement: car il ne souf-
 fre aucun auoir grands moyens,
 estant aduerty que quelqu'un a du
 bien, il le luy oste: & s'il ne trouue
 apparence pour ce faire; luy fait a
 croire qu'il a commis quelque

meschanceré, luy fait couper le poing , & le bannit aux Isles de *Pouloué & Gamispola.*

Le Roy prent grand plaisir a voir iouster des coqs, les Gentils-Hommes de sa Cour ont chacun vn coq pour la iouste , ce fait de grands paris a qui demeurera victorieux.

Les Gentils-Hommes se font recognoistre d'auec le commun peuple , se laissant croistre l'ongle du pouce , & du petit doigt fort grand, demonstrent qu'ils ne travaillent point de la main.

Leur coustume est ce seoir cōtre terre, les iambes croisées.

Pour saluer ils portent les deux mains ensemble sur le front, nous n'ostions iamais nos chapeaux, ils peuuent espouser sept femmes s'ils ont le moyen de les entretenir, lesquelles ils acheptent , & lors qu'ils vōt celebrer leur mariage,

le mary porte l'argent qu'il deli-
 ure aux parens, pour le douaire de
 la fille, puis les femmes sont te-
 nues estroitement, n'ayant per-
 mission de voir aucun homme, si
 le mary est ennuyé de sa femme, il
 la peut renvoyer iusques au hui-
 ſtiemes iour.

Lors que les estrangers viennent
 en ce lieu, ils achèptent des fem-
 mes pour autant de temps qu'il y
 veulent demeurer, & sans qu'elles
 en demeurent scandalisées.

Toute la nuit les femmes dan-
 sent au son de grands bassins,
 qu'ils frappent avec des verges
 de bois, y meslant le chant, &
 celles qui aggreent plus au ma-
 ry, couchent ceste nuit avec
 luy.

Les hommes achèptent à pris
 d'argent toutes leurs familles, à
 sçavoir, femmes, seruiteurs, & es-
 claues, & s'en defont quand il leur

plaist, chacun homme a des concubines, & les vent quand il veut.

Se seruēt de garçons, ausquels ils ont fait couper la verge, & testicules, sans leur en rester aucunement, leurs confient tous leurs moyens, & demeurent avecque leurs femmes pour les garder.

Les filles premierement que d'estre mariees, ne font difficulté de ce prostituer a qui bon leur semble, ce qui ne les empesche point de se marier, elles vont la teste nue, le poil seulement lié derriere la teste, quelques vnes ont la teste raze, & sont assez difficilles a recognoistre d'avecques les hommes, fors aux tetins.

Lors qu'elles sont mariees, elles n'oseroient s'accoster d'autres que de leur mary, sur peine de la mort, ou auoir le nez ou les oreilles coupees, qui est la punition ordinaire, ou bien les deux

personnes qui ont commis l'adultere, sont presentez aux Elephâts qui les tuent, par le commandement de celuy qui les conduist.

Allant par les ruës rencontrât vne femme, c'est honneur luy faire, que de s'en esloigner, nous autres qui ne sçauions pas ceste coutume nous ne faisons difficulté de nous en approcher en passant, ce que voyant, nous disoient des iniures & en signe de mespris, crachoient contre terre.

Il n'est permis voir les femmes du Roy, ny mesme l'Elephant sur lequel elles sont lors qu'elles vont par la ville, s'il est prouué qu'aucun homme les ait veuës, il faut qu'il perde les yeux, ou ses parties honnestes.

Toutes les femmes ont les oreilles percées, & passeroit-on par les trous de leurs oreilles vne chosse grosse de quatre doigts, en

outre d'autres petits pertuits autour du cartillage de l'oreille, par ces trous ils passēt des fleurs, portent des brasselets de cuiure, d'estain, ou argēt, quelques vnes portent des bagues aux orteils.

Pour leur viure sont sobres, leur plus ordinaire & accoustumee nourriture, est le ris, lequel n'est que refait en eau, leur sert comme entre nous le pain, avec les fruiçts de bananes & Cocos, qui sont des plus principaux fruiçts, y en ayant de plusieurs autres sortes, mais ne durent toute l'annee comme ceux-cy.

Ils mangent de la chair de Buffle, principalement de noirs qu'ils prisent fort, bien que au goust des estrangers la chair n'en vaille rien.

Pour leur boire plus ordinaire c'est l'eau, ils distillent vne liqueur qu'ils appellent arac, forte comme

eau de vie, composee avec des canes de sucre, ris & noix d'indes, de quoy ils s'en yurent souuent.

Ils sont fort propres en l'appareil de leur manger, & deuant que prendre leur repas.

Lors qu'ils veulēt faire de l'eau, ils s'accropissent en terre comme les femmes, quand ils nous voyēt faire autremēt, ils crioyent apres nous, croyant que nous commetions vn grand crime, tellement que pour euitier le scandale, nous estions contrains de faire a leur mode, apres que les hommes ont fait de l'eau, ils se lauent la main gauche, avec laquelle seule ils touchent ceste partie, & en font autāt apres auoir esté descharger leur ventre.

Se vont baigner dedans la riuere, de laquelle l'eau est fort saine, tellement qu'elle leur sert d'vn baume, lors qu'ils sont bleſsez, ou

que l'on leur a couppé quelque membre , comme tous les iours aduient par la Iustice, alors ils vôt mettre dedans la riuiera la partie offencee l'espace d'une heure , apres mettent quelques feuilles d'herbes dessus, & cōtinuent tous les iours ce remede iusques a la guarison , qui arriue en peu de iours, en tout temps ils vsent du bain, de façon qu'allant soir & matin , & a toutes heures du iour le long de la riuiera, on y voit hommes , femmes, filles, & enfans en l'eau tous nuds, sans crainte les uns des autres, se iouër & rire , & lors qu'il fait grand chaleur, à la sortie de l'eau se frottent le corps avec de petits Limons, coupez par la moitié pour se rafraischir , & se nettoyer la peau. Ceux qui sont plus de loisir cōme quelques femmes, la plus grande partie du tēps, demeurent dedans l'eau.

L'eau

L'eau de ceste riuiera est fort claire, prouenāt des montaignes, passant par des deserts & bocca- ges ou il y a plusieurs arbres exquis comme l'arbre du benjoin & du Camphre, les sandaux & vne infinité d'autres de tres-bonne odeur, dont on pense qu'elle tire sa bonne qualité, cet eau est si pure qu'elle s'est gardee cinq mois dās nos vaisseaux sans se corrompre, au lieu que toute autre se gaste au bout de douze iours, si elle est en des vaisseaux de bois.

Pour l'vsage de la medecine, ils n'y ont aucune methode mais seulement vne longue experience de quelques remedes. Ils sont fort sujets au flux de sang, erisipelles, & fieures pestilētieuses, en ces inconueniens ils s'assistent l'un l'autre avec beaucoup d'humanité contre leur flux de sang, qui est fort ordinaire pour l'excessiue

chaleur vsent d'opium a la grosseur d'un gros poids, & quelquefois dauantage, sans en receuoir aucune incômodité, au contraire en font mieux disposez, du suc de bannanes vertes, de la pierre de cananor broyée, & buë avec quelque liqueur pour les erisipelles vsent de la mesme pierre exterieurement appliquee.

Les femmes pour acquerir vne bonne odeur, broyent quelques choses odorantes avec de l'eau, (comme du Bois d'Aloes sental citrin) & s'en frottent le front, & quelque autre partie du corps, ils ont plusieurs herbes de grande vertu, laquelle ils ignorent, aussi la pluspart des choses exquisés que nous auons par deça, sont en ce lieu là en abondance, ils vsent souuent de la racine de chine avec leurs viandes.

Pour le regard de la Iustice elle

le garde estroittement suiuant leurs Loix & coustumes, pour le larcin de quelque peu que ce soit, on leur coupe vne main pour la premiere fois, s'ils y retournent on leur coupe les pieds & l'autre main.

Aux hommes adulteres on leur coupe les parties honteuses, & aux femmes le nez, ou biẽ on leur creue les yeux.

Si quelqu'un tue, il faut qu'il meure de pareille facon, ou est baillẽ aux Elephans, ausquels au commandement qu'on leur fait avec vne simple parole les prennent avec leur trompe, ils les mettent sur leurs dents, & les iettent en l'air, retombãt en terre les percent de leurs dẽts, ou les esclafent de leurs pieds, quelquefois sont baillez aux Tigres qui sont plus cruels & farouches.

Il y a des Iuges qu'ils nomment

Pouullo cauaillo, qui est a dire Iuge des prisonniers, lesquels font briefue Iustice, & prennent connoissance de tous debats & querelles faisant droit à chacun, les parties plaidant leurs causes par leur propre bouche, ces Iuges sont assiste de quelques officiers, comme sergens que l'on cognoit a vne baguette qu'ils portēt, tous leurs iugemens, pour l'ordinaire se donnent sans mettre rien par escrit, ils tiennent leur iurisdiction sous quelque arbre ou il y a des sieges, ou dedans quelque petite loge faite de palme situez en vne place publique.

Nonobstāt ceste iustice le Roy l'a fait a son plaisir & pour peu de chose fait coupper bras & iambes, du temps que nous y estions, vn de ses seruiteurs auquel il auoit baillé en garde vn chiē qu'on luy auoit donné, passant pres d'un bu-

le, le buffle le tua, le Roy le sçachant luy fit couper le poing, de sorte que le Roy commandant quelque chose il le faut faire sans contredit. Le Roy a son Sabandar, qui est comme le Connestable, qui ordõne de toutes choses, il est fort auaricieux, & ne peut on rien obtenir de luy, sans luy donner ou promettre.

Les habitans du pays comme tout le reste des Indes, professent deux religions, les vns obseruent celle de Mahomet, qu'ils ont receuë depuis trente ans, les autres perseuerent au paganisme.

Les Mahometains croient qu'il y a vn Dieu qui a fait le Ciel & la terre, & qu'il y a eu trois grãds Prophetes au monde, à sçauoir Moise, Iesus, & Mahomet, disent Moise auoir esté annonciateur de la parole de Dieu, Iesus le bras de Dieu, a cause de ses grãds

Miracles, Mahomet interprete de la parole de Dieu.

Ils disent que les Iuifs ont mal fait l'auoir crucifié, estant si grand Prophete, & tiennent que ceux qui obseruent la loy de Moïse, au bout du iugemēt qu'ils attendent & croient deuoir estre, iront avec Moïse, de Iesus avec Iesus.

Ils obseruent les reglemens de l'Alcoran, ils ont des Religieux ou Prestres dans leurs mosquées qui font les prieres publiques, commençant dès le matin a l'aube du iour, criant par plusieurs fois Hala, qui est a dire Dieu, chantent quelque heure durant, le soir en font autant au coucher du Soleil, premier que aucun entre en la mosquée, ils vont lauer les mains, la face & les pieds a vn grand vaisseau de terre (au cas qu'il ne s'y trouue vne fontaine) qui est

esloigné de la mosquée quelque douze pas, en apres ne marchent nullement a terre, viennent par sus des pierres que l'on tient tousiours nettes iusques dedás la mosquée.

Ils n'obseruent aucun iour de feste, ont seulement le vendredy lequel ils tiennent pour leur Dimanche, toutefois ne s'abstiennét d'aucun trauail, quand ils prient ils tournent la face vers le Soleil, sont Circoncis.

Lors que quelqu'un meurt, il y a des femmes qui viennent au logis du deffunt pour plorer, & sont gagees pour faire cet exercice, elles crient horriblement, & les voyant ainsi faire la grimace, on penseroit qu'elles fussent fort affligees, cessant par interualles elles rient ensemble & font bonne chere.

En portant les morts en terre

(lesquels on couure d'un drap de satin ouuragé d'Or, & par dessus diuerſes fleurs) ils battēt des tambours, & cymbales le plus triſtement qui leur eſt poſſible, ils portent des lampes alumées, ils eſtendent les bras, & leuēt les yeux vers le ciel, & les rabbaiffant deuers la terre, prononcent quelques paroles en forme de prieres.

Dreſſent des tombeaux avec beaucoup de curioſité, & ſur toutes leurs foſſes mettent vne pierre fort bien taillee, apres que quelqu'un eſt decedé, ils donnent aux pauvres quelques morceaux de toile de cotō, & du ris, & quelques iours enſuiuant, viennent apporter des fleurs ſur les tōbeaux, & y prédre leur repas avec ioye.

Lors qu'il portent le dueil de leurs amis, ils ſ'abſtiennent quelques iours de macher du betel & de la reca, dont ſans cela ils vſent

perpetuellemēt, soit en leurs maisons ou marchant par la ville , se persuadant par ce moyen de conforter l'estomac, & aider a la digestion, leur coustume est d'en presenter a tous leurs amis qu'ils rencontrent, pour les honorer & caresser, s'ils ne le font point cela est reputé pour vn signe de haine ou de mēpris.

Les Gentils entr'eux adorent les premiers animaux qu'ils rencontrēt au matin au sortir de leur maison, & prennent augure selon l'animal que c'est, ils ont les bœufs & vaches en grande veneration, & pour ceste cause ne les tuent point, tiennent que vn lieu frotté de leur excrement est saint. Ils ont des idoles qu'ils nommēt Pagodes, ausquels ils presentent des parfums de bonne odeur, leur offrant quantité de viandes deuant que prēdre leur repas, ce qui leur

reste de leur manger, est ietté aux oiseaux, ils ne se seruent iamais d'un vaisseau qui auroit serui aux Chrestiens; tellement que quand vn de nous auoit beu dedans vn de leurs vases (qui sont ordinairement de porcelaine) le tenāt pour polu, ils le brisent contre terre, ils ne se seruent qu'une fois d'un vaisseau de terre pour cuire leurs viādes.

Leurs Sacrificateurs sont nommez Bracmanes, lors qu'ils meurent leurs femmes se bruslēt avec le corps du mary, celle qui se iette dedans le feu est reputee pour la plus vertueuse, autrement est reputee impudique, on dit au pays que ceste coustume est procedee de l'enuie qu'ont eue les femmes d'euitier le soubçon d'auoir empoisonné leurs maris; ces Bracmanes ne mangent que du ris, & des herbes, lors qu'ils veulent af-

fermer quelque chose, ils iurent par leur Pagode, croyent que les ames vont d'un corps a l'autre, & pour prouuer cela, ont des raisons fort estranges, le pere ne fait point difficulté d'habiter avec sa fille, ny la mere avec le fils, & le frere avec la sœur, lors que nous leur voulions remōstrer le grand peché qu'ils faisoient, ils nous respondoient que quand vn homme a esleué vn arbre, s'il produit quel que fruit il est raisonnable qu'il en iouisse, rarement les enfans de leurs femmes succedent a leur bien, ils choisissent les enfans de leurs sœurs, les maisons ou nous logions en Achem, appartenoint a une femme Payenne, lors qu'il se tuoit quelque animal au logis, elle se fachoit de ce qu'on ne luy permettoit y faire ces prieres.

Il y a plusieurs Royaumes, ou ils sont encor tous Gentils, comme

D yj

celuy de Gusaraté, Bengale, Calicut, & Siam, à ce Royaume de Siam y a vne loy fort estrange, laquelle a esté inuëtée pour empescher la grande brutalité des hommes qui estoient tellement adonnez au peché contre nature, s'adonnant avec les bestes bruttes, par leur loy sont contraints porter a leur verge trois ou quatre clochettes, faites fort subtilement d'Or, Argent ou Cuiure doré, chacune de la grosseur d'une noix toutes rôdes, sans aucune ouuerture, & au dedans y a de petites chambrettes, rendant chacune vn son different, qui est fort doux & plaisant, d'autres en ont de petites cōme auelines, en ont plus grand nombre, iusques a sept ou huiët, les mettent a laverge, couppant la peau du ventre, les faisant couler entre la peau, & pres le muscle de laverge iusqu'au bout, les femmes

desirent plus tels hommes que nuls autres, apres l'acte acheué ne se separent qu'avec difficulté.

En toutes les Indes il y a vn langage fort beau & facile a apprendre qu'ils nomment malaique, est comme le Latin en l'Europe.

Toutes leurs maisons sont basties sur des pilliers à la hauteur d'un homme, faites & closes de branches de palmes & roseaux. Ces bastimens sont fort subiects au feu, comme est adueni durant nostre séjour, aux Indes par plusieurs fois, estant consumées en peu de temps pour n'estre que de palmes, en moins de six heures il en fut bruslé plus de trois cens, celuy qui a esté cause de cela bien que sa maison soit bruslée comme les autres, il a le poing coupé, le Roy ne permet faire bastimens de pierre: crainte

qu'on ne se fortifie cōtre luy ceux qui demeurent sur le pays sont antropofages, mangent chair humaine, & ce avec grande cruauté, lors qu'ils prennent quelqu'un luy coupent les membres, & le font languir, le mangent avec du poiure, aiment mieux manger des noirs que des blans.

Ils ont plusieurs marchez publics, lesquels n'ont cours qu'à certaines heures du iour, esquels se trouue plusieurs sortes d'herbes, fruiets, poissons, fueilles & fruiets de tamarins verds, brin-gales, macoudou qui est vn fruit ressemblant à des lymons, ayant forces taches blanches, durions, annanes, mangues, iaccas, mangostans, ramboutans, bannanes, Cocos, il y a plusieurs autres fruits, desquels pour n'estre si excellens, que les susnommez, ie n'en feray mention, il s'y trouue

quantité de lymons , oranges
douce, poncilles, grenades.

Dedans les rues y a grand nō-
bre de boutiques qui appartiē-
nent a des marchands vestus à la
Turque, qui viennent de la gran-
de terre, de negrepatam , gusara-
té, Cap Cormorin, Calicut , l'Isle
de Zeilam, siam , bengale, & plu-
sieurs autres lieux , demeurent
quelque six moix audit lieu pour
vendre leur marchādise; qui sont
des toiles de coton qui sont fort
fines qui viennent de gusarate, &
force draps de soye , & autres
estoffes faictes d herbes , & fil de
coton, vaisselle de pourcelaine de
plusieurs sortes , beaucoup de
droguerie, épicerie, & pierrerie.

Ces Turcs en apparence exte-
rieure, portent le Turban, & tout
le reste de l'habillement Tur-
quesque, venant en ce lieu amē-
nent leurs femmes : ou en ache-

ptent pour le temps qu'ils y demeurent : qui est ordinairement fix mois, au bout desquels en viēt d'autres, il n'y a qu'eux qui achēptent & vendent le poiure, estant curieux d'aller par le pays.

Pres le dernier marché, est le lieu ou l'on fond les canons, l'invention desquels ils se vantent tenir de la Chine.

De leurs pois, mesures, & monnoyes.

Leur pois ordinaire est le Cat-ti, avec lesquels ils pesent toutes choses, comme par deça avec la liure. Ledit Catty pese 29. onces vne dragme six grains, pois de marc.

Le poiure & toute autre marchandise se vent s'il y en a grand nombre par bahar, pesant chaque bahar, deux cens Catis, qui sont trois cens soixante liures, & le l'astre qui vaut deux tonneaux, voila pour leurs poix.

Toutes leurs Mesures, pour les grains, comme ris, & aussi pour les choses liquides: comme huile, arac, & autres liqueurs, ils ont des bambous qui tiennent le pois de deux liures quatre onces, font des demis & des quarts avec lesquels ils mesurent toutes ces choses.

Pour leur monnoye elle est d'Or & de Plomb, celle d'Or est appelée Mas, ils en baillent neuf pour vn escu en realles, sont marquez dessus comme de petits liës.

L'autre Monnoye de plomb, est comme de petites Mailles peu marquees par dessus qu'ils nomment Casses, & faut deux mille & vn cent de ces Casses, pour vne piece d'or dite Mas, & les deux mille vn cent de ces Casses se departent en quatre parties à chacune cinq cens vingt & cinq qui sont nommees Copans.

Ils nomment toute leur monnoye, *dram*, qui veut dire argent, lors que l'on achapte quelque chose de valeur, on l'achapte par *tayels*, chascue *tayel* vallant seize *Mas*, qui sont deux escus moins treize sols quatre deniers.

Vn *Catti* doit pezer trête deux *realles* de huit, & trente *realles* vallent douze *tayels* qui sont seize *Mas* pour *tayel*.

Après auoir seiourné aux Indes, l'espace de 5. mois ou enuiron, ou auions eu le trafic libre, de plusieurs sortes d'espiceries, & de quelques autres singularitez naissantes au pays, sous la conduite du Tout puissant qui nous y auoit amenez, le 20. iour de Novembre 1602. nous nous rembarquâmes pour reprendre la route de la France, amenant avec nous huit Indiens.

Le 1. iour de Decembre, 1602.

estant soubs la ligne equinoxiale, monsieur de la Bardeliere, nostre general: deceda, ayant esté malade l'espace de quatre mois.

Le 2. Decembre, suiuant sa derniere volonté, on fist eslection du sieur de la Villeschar, pour commander au Nauire en sa place, ce mesme iour & les quatres suyuaंस: nous ne nous auançasmes aucunement ayant vent contraire, & force trauades, estans contrainsts d'amener tous voiles bas.

Le cinquiesme le vent se tourna au Nordoist, qui nous fit esleuer vers le polle Antartique.

Le 15. sur le midy le Soleil parut, trouuasmes 7. degrez & demy de hauteur, le vent estoit norroist, ce iour nous commēçasmes a retrencher l'ordinaire de l'eau.

Le deuxiesme le vent d'amont commença a regner, estant nort Nordest, trois iours ensuiuant

nous trouuafmes les ondes de la Mer, contraires au vent, de maniere que ne pouuions nullement auancer.

Le 25. iour, nous commandafmes à auoir le vent d'est : ce qui nous apporta vn grand contentement.

Le 26. iour du mois continuât le mefme vent, nous prifmes vne grande quantité de poiffon dict bonites, & albacores, qui fuffist pour nourrir tout l'equipage l'efpace de fix iours durant, ils fuioient le Nauire en grand nōbre.

Le 9. Ianuier, 1603. de hauteur 22. degrez, nous auions le Soleil pour zenit, ne faifant nul ombre.

Le 10. nous eufmes quelques ondes de pluyes, & de vent, à caufe que nous eftions fous le tropicque de Capricorne, ou il a accouftumé de faire pareil temps, nous auions de hauteur 23. degrez.

Le 13. iour de Ianuier 1603. de hauteur 27. degrez vn tiers, le vent n'estoit que nort norroist, plusieurs se trouuerent malades d'une difficulté d'aleine, ce iour vn charpentier estant au fond du Nauire pour estouper vne ouuerture d'entre deux plances, & coupant vn membre dudit Nauire pour y trauailler, il s'y fist vne bië plus grande ouuerture, par laquelle y entroit l'eau en grande abondance, ce fut le quatriesme pareil inconuenient, qui iusques à ce iour nous arriua depuis nostre depart des Indes.

Le 15. le vent Nordest, nous misme le cap à la route ayant de hauteur 48. degrez & demy, ce iour nous prismes vne maniere d'esperuier qui se posa sur nostre Nauire y estant transporté par le vent de Nort, venant de l'Isle S. Laurens.

Le 17. le vent sud , la route a
oist vn quart du norroist : pour
approcher la terre.

Le 21. Ianuier 1603. la nuit
il fist vn orage , qui commença à
la 3. Horloge du premier quart, le
vent estant nordest propre pour
nostre route , l'air estoit si tene-
breux , que ne voyons ne ciel ny
Mer, durant ceste tempeste, il ap-
parut vn feu sur nostre grand ma-
tereau: comme plusieurs chan-
delles ensemble , incontinent a-
pres nous en vismes vn autre sur
le mast de morisque, ces feux du-
rerēt par l'espace de 5. heures sans
s'estaindre , pour la pluye qui e-
stoit fort grāde , ce feu est appellé
des mariniers feu de console, n'a-
paroist qu'aux tourmētes, & tien-
nent cela pour bonne augure,
s'asseurant par là, que la tourmē-
te, ne doibt estre dangereuse, &
principalement , lors qu'il appa-

roist par haut : & apparoissant au dedans du Nauire , ils disent que la tourmente doit durer d'auantage , les feux s'engendrent des exalations crasses , qui s'esleuent des Nauires , par la chaleur de l'air, lequel eschauffé par la tempeste, allume lesdites vapeurs , & les resout puis apres.

Le 25. la Mer se rendit fort facheuse, les ondes fort grosses, venant du sud surroist, le vent estoit sud suest, nous vismes force grâds oyseaux qui auoient plus d'une brassé & demie d'ailles , ils sont blancs soubs le ventre & gris sur le corps, auions de hauteur trente trois degrez.

Le 28. Ianuier au commencement du second quart il fist vne tourmente, venant de l'Est, le Nauire print beaucoup d'eau, il y en entroit autant qu'on en ostoit avec les pompes.

A toutes les nouuelles Lunes, nous eufmes tousiours grand vêt: estant approchez de la hauteur du Cap de bonne esperance depuis le 30. degré, nous eufmes tousiours de 4. iours en 4. iours des tourmentes de nort norroist, & oist surroist, la pluspart de nos hommes furent malades d'enfleures aux iambes, & cuisses, ayāt la couleur iaune, & defaiète, ce qui prouenoit du changement des Climats, & de la mauuaise nourriture.

Le dernier Ianuier, il fit vne tourmente si grande, que nostre Nauire s'entrouurit par le deuāt. Ce que voyant tous ensemble le peril eminent auquel nous estiōs par cest accident, nous fit resoudre de regagner la plus prochaine terre: qui estoit celle de saint Laurens, pour apporter toutes les reparations qu'il se pourroit faire
au

au Nauire , & rafrefchir les hommes qui estoient malades en grād nombre, ce faisant passerions au Cap plus asseurez, a esté representé tout ce que dessus au general, ce qu'il n'a voulu accorder, au cōtraire; remonstrant qu'estions au milieu des dangers , & qu'il n'y auoit moins de peril de retourner , que d'aller en auant , neantmoins soubs la conduicte d'un de nos pilotes, qui se fist fort de nous mener a l'Isle de saint Laurens; nous prîmes la route pour y aller, la nuit mesme le vent venāt à changer , nous changeasmes aussi de resolution , & reprîmes nostre premiere route.

Le 4. iour de Feurier 1603. le vent est Nordest, 8. iours durant, nous prîmes vne grande quantité de poisson , lequel seruit non seulement pour nostre nourriture , mais aussi pour la guarison

de nos malades.

Le 13. Feurier 1603. nous descourismes la terre du Cap falce, & le soir nous apperceusmes le Cap de bonne esperance, estant en 35. degrez & demy, huit lieues hors des terres.

Les Portugaiz à cause des tourmentes fort dangereuses, appellent le Cap de Bonne Esperance, le Lyon de la Mer.

Le 3. iour de Mars, nous posasmes l'ancre à la Radde de l'Isle sainte Helene, & en partismes le 19. iour dudit mois.

Le 25. iour de Mars 1603. Nous vismes l'Isle de l'Ascension, elle est situee sous la hauteur de 8. degrez vn tiers, ceste Isle est fort seiche & aride, n'y ayant aucun arbre, ny herbe dessus, ny aucune eau douce, il y a fort grande quantité d'oiseaux; qui vivent à la mer & se retirent en ce lieu.

Le premier iour du mois d'A-
 uril 1603. Nous passasmes la ligne
 equinoxiale vers le polle Arti-
 que qui est la quatriesme fois que
 l'auons passee au voyage.

Le 29. iour d'Auril 1603. Nous
 commençasmes à voir flotter du
 gœsmon appelé par les Portu-
 gais *Sargasso* qui est vne herbe la-
 quelle se nourrist & croist au fons
 de la Mer, & a ceste occasion ce-
 ste mer est appelée, mer Sargas-
 se, auions de hauteur à midy 21.
 degré. Ce gœsmon à continué
 iusqu'au 31. degré.

Le 13. iour du mois de May, le
 vent estoit sud surroist, de hau-
 teur 37. degrez, nos malades fort
 debilles & la faim nous contrai-
 gnit manger des chiens & des
 Rats, & s'en trouuoit peu pour
 les malades.

Le 15. dudit mois, nous vismes
 l'Isle de la Terciere, qui est la

principalle Isle des Affores, de hauteur a midy trente neuf degrez & demi.

Le 20. iour du mois de May, 1603. Le vent nort nordest, la route à l'estvn quart de suest, nous estimiôs estre quelque 70. lieues de le coste d'Espaigne, à laquelle nous desirions fort arriuer, craignant que le Nauire ne nous faillist soubs les pieds, & voyant que nos hommes auoient perdu toute force, & toute vigueur.

Le 21. nous vismes trois Nauires Flamens, ce qui nous apporta quelque consolation, sur le soir, nous nous approchasmes d'eux, ils nous dirent qu'ils venoient de Venize, leur ayant raconté la necessité en laquelle nous nous trouuions, nous les priasmes de nous receuoir en leurs vaisseaux, & que nous leurs ferions part de nos marchandises selon la cou-

stume de la mer, surquoy ils nous firent quelques offres generalles, nous promettât nous venir trouver le lendemain, ce qu'ils firent, nous demandant quelques vns des nostres, pour traicter particulièrement sur ce subiect, à la fin nous fumes contrains transporter en leurs vaisseaux, ce que chacun auoit de particulier, & leur donner le pillage de nostre Naui- re: lequel, peu de temps apres s'emplissant d'eau, coula de luy mesme a font à nostre veuë, demeurasmes sur lesdits Nauires Flamens, du 23. iour du mois de May, iusques au 11. iour de Iuin, qu'eusmes la cognoissance de l'Isle d'Angleterre, & le 13. posasme l'ancre en la Radde de Ple- murs.

DICTIONNAIRE MALAIQUE.

DICTIONNAIRE O V R E-
cueil d'aucuns mots du langage com-
mun aux Indes, lequel est appelé Ma-
laïque, où Malaïsin, & est tenu pour
aussi eloquent en toute l'Inde Orienta-
le, comme la langue Latine par deçà. Et
ceux qui paroissent par dessus le com-
mun peuple, s'y estudient & le sçauent
de façon que par toutes les Indes, ils
sont entendus avec ce langage, bien
qu'ils s'en trouue plusieurs qui parlent
Portugaiz.

Achepter	Kely	Ait il	Beff
Auant, hier	Balmariydaula	Attaindre	Duste
Aller	Pegui	Avoir honte	Malon
Allons	Mari	Argent	Peca (ou
Aider	Toulong		Serasi
Autre	Laem	Anneau	Chynsin
Allez là	Pegui Sana	Aigrir	Sempa
Allez a la	Pegui-	Acier	Negle
maison	roma.	Amitié	Pondarra
Appellez	Manna		B
Apporter	Bana	Balance	Tinban
Attendre	Diam	Bœuf	Limbois
An	Taun	Buffle	Carbau
Aucune	Baccha-	Boite	Vuinon
chose	ren.	Bien	Bay

Bon iour	<i>Salamalec</i>	Chaut	<i>Penas</i>
Baigner	<i>Mandy</i>		D
Bras	<i>Backien</i>	Dieu	<i>Hala</i>
Barbe	<i>Tganga</i>	Drap	<i>Saquelat</i>
Bruler	<i>Baccar</i>	Demain	<i>Yfic</i>
Bien	<i>Soufe</i>	Donner	<i>Bry</i>
	C	Dehors	<i>Bloumaer</i>
Cannes	<i>Ytic ou bebe</i>	Doux	<i>Manis</i>
Chat	<i>Conchin</i>	Dimanche	<i>Ioumahet</i>
Chien	<i>Angin</i>	Douleur	<i>Sata</i>
Cheual	<i>Couda</i>	Dents	<i>Anton</i>
Cocq	<i>Aiamlagui</i>	Doigts	<i>Iary iary</i>
Cheure	<i>Cambi</i>	Demander	<i>Betangia</i>
Coton	<i>Capas</i>		E
Comment	<i>Chapa.</i>	Elephant	<i>Gagia</i>
Cela	<i>Nim</i>	Espec	<i>Pedan</i>
Comment	<i>Manada ou</i>	Encre	<i>Mangsy</i>
vous va	<i>bigimana</i>	Eslire	<i>Damare</i>
Combien	<i>Brapa</i>	Espaules	<i>Doduer</i>
C'est trop	<i>Lebe</i>	Elle	<i>Dia</i>
Craindre	<i>Dapattida</i>	Entendre	<i>Tauem.</i>
Couper	<i>Pang.</i>	Eau	<i>Eier</i>
Cuire	<i>Tambaqle</i>	Escrivain	<i>Courcon</i>
Chaux	<i>Capier</i>		F
Celuy	<i>Itouuen</i>	Femme	<i>Prampoan</i>
Coustume	<i>Esteedat</i>	Fourmant	<i>Guendum</i>
le Cœur	<i>Ali</i>	Frere	<i>Addolaley</i>
le Col	<i>Goulon</i>	Faictes	<i>Matty</i>
Chapeau	<i>Kokodang</i>	Front	<i>Batoch</i>
Cognoistre	<i>Rinnal</i>		G
Combatre	<i>Baccalaye</i>	Gagner	<i>Menang</i>
Chair	<i>Lalier</i>	Grand	<i>Befars</i>
Chauue }			H
Souris }	<i>Lauo</i>	Homme	<i>Oran</i>

Harquebuz	Bedel	Marier	Bamiis
Herbe	Dingin	Main	Tangan
Hier	Balmargy	Moy	Manire
Huile	Nuagia	Mettre	Bariing
	I	Malade	Saquet
Tour	Ary	Monsieur	Tenan
Incontinent	Sacaran		N
Juge des	Pougole	Nuit	Malam
prisonniers	Canalo	Nez	Trodon
Jambe	Bachy	Nostre	Quitabota
Je te remer-	Terimacache	Noir	Ita
cie		Nous	Dep
Icy	Chiny		O
Jeune	Monda	Ou allez	Mana
Il est dehors	Pacasuira	vous	Pequi
	L	Oeufs	Telcors
Le tout	Samo anga	Ouvrir	Passay
Lunc	Boulan	Oreilles	Talinga
La	Sanna	Oreiller	Bantal
Laisser	Senne	Oncle	Maua
Leure	Lambiher	Oublier	Lampa
Lempe	Palita	Ou	Dimana
Lumiere	Ayinga	Ou est-ce	Mana aden
Langue	Bangs		P
Leuer	Ilat	Blanc	Lada poute
	M	poi-	noir Lada
Masculin	Iagui	ure;	long Pipili
Mirouer	Kiermi	Papier	Quartas
Mal	Iabat	Plus	Lagui
Mourir	Matti	Pourmener	Vermay
Mois	Boulan	Poisson	Yqua ou lan
Misericor-	Carruguanler	Pourceau	Babij
dieux		Poulailles	Aiam
Meilleur	Parma	Prier	Sambia

Pied	Goumo	Tenez en-	Engat
Peu	Salikie	memoire	
Pardonner	Ampo	Trouuer	Botonuum
Plus auant	Bapa	Toux	Capelle
Perdre	Ilam	Taire	Diem
Pesent	Brat		V
Peché	Tehilaca	Venir	Maudatam
Pleumes	Calamp	Venez icy	Mary Siny
Plomb	Tima	Ventre	Peuot
Poil	Rambois	Vinaigre	TSuyka
Payer	Chini	Vert	Ise

R

Roy	Quita	Vous	Pakanera
Relascher	Lepas	Viure	Iagaua
Rat	Ticous	Vieil	Tua
Ris avec	Padi	Voyez	Dodner

N O M B R E E N

langage Malaique.

Ris pelé	Bras	1. Sat	Vn
Ris cuit	Nassi	2. Dua	Deux
Rompre	Bela	3. Tiga	Trois
		4. Pat	Quatre
Sac	Caron	5. Lima	Cinq
Soye	Souterat	6. Nam	Six
Soleil	Matari	7. Tonion	Sept
S'estendre	Pinanga	8. Delapan	Huict
Seigneur	Quay	9. Sambillan	Neuf
Seur	Adeparapas	10. Saponlon	Dix
Soliers	Ayon	11. Sabla	Onze
Sourcil	Aliis	12. Duabla	Douze
		13. Tigabla	Treize
Terre	Negri	14. Patblu	Quatorze
Trauailler	Kreia	15. Limabla	Quinze
Tuer	Benne		
Triste	Chinta		

T

E V

16. *Nambla* Seize *poulon'fat* qui est vinge
 17. *Touionbla* Dix & sept & vn, & continuer à trê-
 8. *Delapâbla* Dix & huit te qui est *tiga poulo*, &
 9. *Sambilam* Dix & neuf ainsi iusques à cent qui
 bla est dict *Ceralos*, & conter
 20. *Duapou-* Vingt, & iusques a mille qui est
 lou faut conti- nommé *Ceribon*, & voi-
 nuer de vingt disant *da-* la pour leurs contes.

N O M B R E E N L A N G A G E D E S
Habitans de l'Isle de Madagascar.

Vn	<i>Issa</i>	Six	<i>Enning</i>
Deux	<i>Roue.</i>	Sept	<i>Fruto</i>
Trois	<i>Tello</i>	Huict	<i>Vvoulo</i>
Quatre	<i>Effad</i>	Neuf	<i>Siday</i>
Cinq	<i>Lime</i>	Dix	<i>Faulo,</i>

F I N.

DESCRIPTION
ET REMARQUE
DE QUELQUES
ANIMAUX, ESPICERIES,
Drogues Aromatiques, &
fruits qui se trouvent
aux Indes.



A PARIS,
Chez LAVRENS SONNIVS rue
S. Jacques au Cocq &
Compas d'Or.

M. D. CIX.

Avec privilege du Roy.

AT REMARKS


DE

THE

OF

THE

THE



THE

THE

THE

THE

THE

THE

A MONSEIGNEVR DES
NVP T VMIERES, CONSEIL-
ler du Roy en ses Conseils d'Estat,
& Priué, & President en sa Cour
de Par'ement de Bretagne.

MONSEIGNEVR,
Ie penserois estre indigne de l'honneur que
ie desire d'estre aduoué, pour vostre tref-
humble seruiteur. Si par toutes les obeis-
sances dont mon seruice pourra deuancer vos coman-
demens, ie ne cherchois quelque moyen de vous tesmoi-
gner que si la fortune facheuse pour moy, me fait pa-
roistre ingrat vers vous, ie le suis plus de mon mal-
heur, que par desseing ny iugement. Car si la reco-
gnissance des bons offices, ce fait avec l'affection du
cœur, le mien est tout plein de vœux & de desirs, pour
vous rendre des effets dignes des graces dont vostre
bonté m'a tousiours obligé: Et parce que ces chaînes
me sont aussi douces que la seruitude m'en est glorieu-
se, ie desire qu'elles ne trouuent fin, qu'en la fin de ma
vie, que pour maintenir celles du present, ce veut en-
core engager pour l'aduenir, Et pour cet effet, vous
supplie me tant honorer que de ietter les yeux sur ce-
ste petite recherche que i'ay faite en mon voyage des
Indes Orientales: que ie vous offre. Ie suis fâché que
ce n'est chose aussi digne de recenoir l'honneur de vo-
stre veue, comme ie le desire, Mais si vous iugez que
c'est d'une main qui n'immole qu'à vous, la volonté
en accroistra le merite, ie ne me suis estudié qu'à vous
représenter ce qui est de la verité, comme ie l'ay veu,

vostre perfection supplera à mon deffant, Et vostre courtoisie, me permettra l'heur de m'oser qua isier du glorieux titre.

MONSEIGNEUR DE

Vostre tres-humble tres-obeissant,
& tres-affectionné seruiteur.

FRANÇOIS MARTIN.

AV MESME.



On liure veut encor s'esclairer de vos yeux
Et chercher son repos en vostre ame divine,
Qui des loix de Themis si iustement domine,
Qu'e terre elle vo⁹ fait vn chemin dās les cieux.

Desia comme rauy d'un desir enuieux,
D'estre chery de vous, vers vous il s'achemine,
Ainsi tout ce qui est, cherche son origine,
Et le diuin tousiours retourne vers les Dieux.

Honneur de nostre temps, qui n'auez de semblable,
Iuge sage & prudent, iuste doux, equitable,
Voyant tous vos effets pleins de diuinité.

Le monde veut auoir pour liure vostre vie,
Qui malgré tous les ans, la malice & l'enuie,
Consacre Paul Hay a l'immortalité.

F. MARTIN.

DESCRIPTION ET REMARQUE de quelques Animaux, Plantes aromatiques, & fruiçts, faite par François Martin de Vitré, au Voyage des Indes Orientales.

P Vis qu'il est ainſi, que ſuiuât le dire des Sages, vn chacun doit rendre compte a ſoymeſme de ſes actions iournalieres: a plus forte raiſon, il me ſemble que ceux-la le doiuent faire: qui pouſſez d'un louable deſir d'apprendre les raretez du monde; quittent la douceur de leur patrie, & la conuerſation de leurs amis, pour les aller contempler ſur le lieu, & en remplir leurs mains: auſſi bien que l'imagination. C'eſt pourquoy, en ayant au commencement dreſſé quelques memoires pour m'en preualoir en particulier: pluſieurs

personnes de qualité s'enquerant curieusement des choses exquises que i'y ay remarquées : & montrant d'en receuoir du contentement, ie me suis laissé persuader par leurs prieres de les mettre en lumiere, afin de satisfaire par vne seule respõce, & mieux articulée: a toutes leurs interrogations si cela reussit, comme ils m'en ont donné esperance, en cela leur en auray l'obligation : sinon ils seront tenus de me seruir de garans, de la hardiesse que i'ay prise, de les faire imprimer pour m'accommoder a leur desir.

De l'Elephant, du Rhinoceros, & du Tigre.

C H A P. I.

*De
l'Ele-
phant,*

ENtre tous les animaux de-
pourueus de raison : & des-

quels les hōmes ont eu cognoissance, il ne s'en trouue aucun qui puisse estre esgalé a l'Elephāt, soit pour la grandeur du corps, soit pour la subtilité de l'entendement: qu'ils ont si parfait, que a considerer leurs actions, ils semble qu'ils ayent comme les hommes, l'usage de la raison, leur hauteur est environ de quinze pieds, sont garnis de peu de poil noir, tirant a la couleur du poil de souris, ont les yeux semblables a ceux des pourceaux, & la bouche aussi, couuerte d'une trompe pendant iusque a terre, laquelle luy sert de main pour porter son viure a la bouche, tant le boire que le manger: & des deux costez d'icelle, paroissent deux grands dents qui sont enracinées en la machoire de dessus, ses oreilles sont fort larges & peu espesses, ses cuisses & iambes, fort grosses & longues, a cinq ongles autour

du pied, lesquels sont rōds, & larges chacun d'une paume, & a la queueuë peu garnie de poil, se prennent dedans les forests par le moyen d'autres qui sont priuez, avec lesquels on les accouple pour leur apprendre a obeir comme les autres au son de la voix & des paroles qui leur sont dites, ils sont aisez a traiter : & se laissent conduire par vn petit enfant, de façon qu'avec vne seule parole il les fera coucher, ou arrester selon sa volonté, car ils ne portent aucune bride. Quand ils sont menez a la riuiera pour se rafreschir, ils se couchent en l'eau, & leur conducteur leur laue la teste, le corps, & les iambes, avec les pieds & les mains, les faisant tourner & retourner comme il luy plaist : ils entendent ce qu'on leur diët, & semble ne leur rien manquer que la parole, ils recognoissent

leur maistre & bien-facteur, & ont
 le iugemēt de distinguer le merite
 des personnes qui leur comman-
 dent, quand son guide veut mōter
 dessus, s'il est en bas aage, & luy
 dit, *Drom*, qui est a dire couche: il
 ne fait qu'allonger l'vne des iābes
 pour luy donner moyen de mōter
 sur luy, ou bien il le prent avec sa
 trompe, & le porte sur sa teste fort
 doucemēt, & quant c'est vn hōme
 parfait, ou de qualité, s'il luy com-
 mande de se coucher: incontinent
 se met le ventre contre la terre, &
 ne se releue qu'on ne luy die. Ils
 aiment fort estre loūez, & s'en
 enflent le courage: & au contraire
 ils entrent en grande collere si
 on les mesprise, ou si on leur dit
 des iniures, de telle façon qu'ils se
 tueroient si on ne les flattoit &
 caressoit, ils entrent en amour
 vne fois l'an: & lors cōme furieux,
 ils ne recognoissent personne,

que leurs maistres, aufquels a grād
 peine ils veulēt obeyr, alors il leur
 fort vne matiere huileuse par tou-
 te la teste, ce que voyant les con-
 ducteurs les enchainent a vn po-
 teau fiché contre terre, les deux
 pieds de deuant fort pres l'vn de
 l'autre: ce qui les empesche de re-
 muer, les femelles n'ont point de
 dēts comme les masles, quelques
 vnes toutefois en ont, mais de fort
 petites, elles portēt deux ans leurs
 petits, & n'en font iamais qu'vn,
 leur vie est de tres-longue duree,
 iusques a 150. ans. En Sumatra, il y
 en a en grande quantité, lesquels
 seruent de monture comme par-
 deça les cheuaux, quelquefois le
 Roy les fait combattre, iamais les
 masles ne combattent contre les
 femelles.

Du Le Rhinoceros est vn animal
Rhi- fort grand, toutesfois moindre
noce-
ros. quel Elephant, il demeure touf-

iours sauuage, sur le bout du mu-
fle il porte vne corne longue d'un
pied & demy, grosse comme la
iambe d'un homme, laquelle a
grande vertu contre les venins,
ceux du pays tiennent que les dēts,
la corne, & les ongles, sont vtils
contre toutes especes de venins,
& contre les fluxions de la gorge,
il est tout couuert naturellement
d'escailles: qui luy seruent comme
de boucliers, & de deffense, contre
les attaques des autres animaux, il
s'en trouue aux mōtagnes de Su-
matra.

Il y a grande quantité de Ty-^{Des}
gres en toutes leśdites mōtagnes, ^{Ty-}
lesquels descēdans à la campagne, ^{gre.}
en empeschent l'acces a ceux qui
voudroient aller pour prendre
plusieurs sortes de drogues Aro-
matiques qui y croissent. Cet ani-
mal est la chasse ordinaire du
Roy, sont fort frequēs aux Indes,

leur peau est tresbelle, a plusieurs mouchetures diuersifiées de couleurs.

Des Bufles, des Bœufs, & Moutons des Indes.

CHAP. II.

*Des Bu-
fles.* **I**Ls ont grand nombre de Bufles, desquels ils aiment mieux la chair, que de nul autre animal, principalement des Bufles noirs, a nous autres Septentrionnaux sont de tres-mauuaise nourriture, causans des flux de sang, pour son
*Des
bœufs* excessiue chaleur. Tous les Bœufs & les vaches que nous auons veu aux Indes, portent vne grosse bosse sur le col: qui est de pure graisse & principalement ceux de l'Isle saint Laurens pres de la coste de l'Afrique, la portent de beaucoup plus grosse que ceux des Indes. Ces animaux ont la graisse fort

onctueuse & molle, comme celle
des pourceaux sont de tresbon
manger, en ladite Isle de S. Lau-
rens, nous en eusmes vn grand
nôbre des Sauvages, en eschange
de choses de peu de valeur.

Leurs moutons sont plus grâds ^{Des}
que les nostres, & n'ont point de ^{mois-}
leine, ayant le poil comme celuy ^{sous.}
d'un veau, & la queuë fort grosse
de pure gresse, & s'ë trouue quel-
ques vnes de si grosses, qui pesent
iusques a quinze liures, & les bre-
bis sont si fertiles que quelquefois
elles apportent cinq petits d'une
ventrée.

DES PIERRES DE BE-
zoar, & des Pierres de Porc-
Espic.

CHAP. III.

AVx Indes il y a grand nom^r ^{De}
bre de Cheures qui sont ^{Be-2}
²⁰⁴⁷

domestiques, il y a vne Isle pres le Cap de Comorin, en laquelle les cheures qui paissent engendrent dedans le ventricule, la pierre nommée par nous Bezoar, & ce a cause de certaines herbes dont elles se repaissent; qui a grande vertu contre toutes sortes de venins: le suc de ces herbes se concreât sur quelque matiere qui se trouue dedans leur ventricule, comme quelque petit festu, ou autre telle chose, se formēt ainsi par fueilles ou escailles fort lissez & polies, ces animaux a cause de ces pierres qu'ils ont dans le corps, en sont moins sains & fort incommodés, ce qui se recognoit a quelques vns a leur maigreur & langueur, ces pierres sont en tres-grande estime des Indiens, & n'y a aucune chose qu'ils prisent dauantage contre leurs maladies, celles qui s'apportent du Peru sont de peu d'effet, on les

les recognoit a la couleur blanche ou grise, sont ordinairement plus grosses que celles des Indes Orientales, les meilleures sont de couleur oliuastre, ont vne vertu cordialle, & propre pour chasser la melancholie, & empescher le mal caduc. Ceste pierre est de grand effect si elle est naturelle, la doze est de trois grains iusques a dix, dissoulte en eau rose, vin blac, eaux Cordialles, suc de limons, & autres, les Portugais tiennēt qu'il ne la faut broyer en vn mortier de metal : a cause qu'elle pert sa vertu, mais avec vn de marbre, & ce que quelqu'vns la mesprisent, comme de peu de valeur, vient de ce qu'ils apportent vne autre sorte de pierre, & la vendent comme pierre de bezoar. A Malaca il ya quelques Porcs Espics, ausquels on trouue dedans leur fiel vne matiere espoisse, & de consi-

stance comme fauon dur, rouge par dehors : ils l'appellent pierre de Malaca, les Portugais en auoient d'ordinaire, desquels en ay recouuert quelques vnes, disent qu'elles ont grand effet contre les venins, destrempees en liqueur conuenable.

Des pier- res du Porc-Espic L'Ambassadeur du Vice-Roy de Portugal, me mōstra vne pierre de couleur rouiatre, & ressemblable en son corps a du bois, dit ceste pierre se tirer de la teste du mesme Porc-Espic, & valoir beaucoup contre tous venins.

Du Musc, de la Cinette, & des Marmots.

CHAP. IIII.

Du Musc **L**Es Chinois apportent aux lieux ou ils traffiquent ordinairement le Musc. Ie me suis informé si aux Indes on trouuoit

des animaux qui l'engendrēt de-
 quoy ie ne peut rien apprēdre, les
 Chinois neaumoins disent qu'il
 prouuiēt d'un animal qui ressem-
 ble a vn Renard, ou a vn Chien,
 lesquels ils tuent a coups de bastō
 le laissant pourrir avec sa chair, a-
 pres font de petites bourssettes de
 sa peau, qu'ils réplissent de ceste
 chair, & appellent ces bourssettes
 Papos, que le vulgaire appele te-
 sticule de Musc. Les autres tien-
 nent que cet animal est semblable
 en grādeur & forme au Cheureul,
 lors qu'il est en ruyt, de la rage
 qu'il a, son nōbril s'enfle, de mo-
 de d'apostume laquelle finalemēt
 a force de frotter cōtre les arbres
 & pierres, la fait creuer, dōt sort
 quātité de sang a demy corrōpu,
 qui est le meilleū Muc: mai toute
 sa chair avec les os est mize, dedās
 de petites bourssettes faites de sa
 peau & est vendue pour le Musc.

De la Ciste En l'Isle d'Anabon, pres la coste
uette de la Guinée, située en la hauteur
 d'un degré deux tiers vers le Pole
 Antartique, ou seiournasmes allât
 aux Indes, il ya plusieurs animaux
 que l'on nomme Ciuettes, ils ne
 sont curieux de tirer le parfun
 qu'ils produisent naturellement.

*Des Mar-
mots* En l'Isle saint Laurent nous
 vismes grande quantité de Mar-
 mots qui sont comme Singes, ont
 la teste comme vn Regnard & les
 pieds comme vn Singe, la queuë
 moyennement longue, ils ont
 le goust de Lapins. En Achem
 le long de la riuiera il y a vn
 marescage ou se retirent les Sin-
 ges pour estre en seureté, les hom-
 mes n'y pouuant aller, a cause
 que le lieu est marescageux, &
 plein de roseaux, sur lesquels on
 les voit faire force gambades.

*Du Manucodiata, ou Oyseau de Pa-
radis, & des Portugais pas-
saros de sol.*

C H A P. V.

C'Est oiseau est ainsi appelé ^{De} pour sa rareté, ne le trou-^{l'Oi-}uant en nul part qu'aux Isles Mo-^{sean} lucques, qui sont cinq principa-^{de Pa-}les, sçauoir. *Maquien, Baquiẽ, Tidor,* ^{radis} *Tarnate, & Motir,* les Indiens tien-
nent que cest oyseau se nourrist
de la fleur du giroffle ; de ces oy-
seaux il y a masse & femelle, ils ont
le corps comme vne arondelle, la
teste de mesme, le bec peu plus
lõg, le dessus de la teste est de cou-
leur iaune doré, la gorge d'un vert
obscur tirant a celuy de la teste
d'un Canart, le plumage du corps
rousatre presque tanné, ils ont
seulemẽt comme vne queue d'un

fort beau panage, lequel estendant leur tient lieu d'aïles, la femelle est de la longueur de deux pieds ou peu moins, le mâle a plus grande quantité de plumes tannées au corps, & a deux plumes ou fleches noires sēblables a fil d'archal, & dures comme corne, plus longues que ses pennes d'un pied & demy, il a vne cōcavité ou l'on estime que la femelle couve les petits, raremēt ce voïēt viuans, mais sont trouuez mors en terre par les habitans du pays, ils ne sont pas si rares comme on a creu iusques icy : ny despourueus de pieds; cōme i'ay appris des Indiens, mais ceux qui les trouuent, ont la dexterité de les couper si pres de la peau: qu'il est bien mal aisé de recognoistre le lieu ou la nature les auoit attachez, & font cela pour les vendre plus cherement : & nourrir l'opiniō du vulgaire, laouelle les rend

plus admirables.

En l'Isle de Madagascar nous ^{Des} trouuâmes grande quantité de ^{Perro} Perroquets qui ne sont sembla-^{quets} bles a ceux que l'on apporte de la Guinee, mais sont d'un plumage gris, & violets, vn peu marquez de rouge, & sont assez bons a mâger: en ce lieu & aux costes des Indes se trouuent des petits Perroquets, qui ne sont plus gros que Passereaux, sēblables en couleur a ceux qui s'aportēt de la Guinee.

Entre les deux tropicques par ^{Des} tout ou nous vouliōs aborder, e-^{Ai-} ^{gret-} ^{tes.} stant encor a 25. lieuës de terre, nous trouuions grande quantité d'Aigrettes blāches, & noires, qui nous seruiēt de signe d'en estre pres, ils viuēt de poissons volārs qu'ils prennent lors qu'ils sortēt de l'eau. Ces Aigretes ōt le corps vn peu plus gros qu'un Pigeō, la queuē longue, garnie de plumes,

de quoy l'on fait des pennaches,
ils ont les pieds comme des Can-
nards.

*Des Crocodilles, des Tortues, & des
Cameleons.*

CHAP. VI.

Des
Cro-
codil-
les. **E**N la mesme Isle de S. Laurès
dans la riuiered'eau douce, se
trouuent grand nombre de Cro-
codilles, ce sont animaux am-
phibis, c'est a dire qui viuent a
l'eau, & a la terre, ils sont fort
grands & furieux, toutesfois se
voyants poursuiuis s'enfuient, ils
sont difficiles a tuer, pour estre
garnis iusques a la queuë d'escail-
les fort dures, & difficiles a per-
cer: ils ont le ventre fort mol & ai-
sé a penetrer, la gueule garnie de
dents aygues, la machoire de des-
sus se meut au cōtraire des autres

animaux, ils venoient deuant nostre fort, querir les ventres des Bœufs, & Moutons: nous en tuasmes quelques vns: en l'Isle de Sumatra dans la riuiera d'Achem, ils s'en trouuent qui prennent quelquefois des hommes passants l'eau, qu'ils emportent a fond, les Indiens mangent leur chair, la tenant pour delicate, & leurs entrailles ont quelque bonne odeur.

Nous auons veu des Tortues ^{Des} flottant sur l'eau en plaine mer, ^{Tor-} qui estoient endormies, de loin ^{tues.} paroissoient grosses comme pipes, elles viennent sur l'eau pour estre eschauffees du Soleil, & lors qu'elles le sont d'un costé, se tournent de l'autre. Les Indiens tiennent qu'elles prolongent la vie a ceux qui s'en nourrissent, il s'en voit de si grâdes (és Indes) qu'une seule escaille suffiroit a couvrir une maison logeable, l'on en voit

de 3. especes: la terrestre qui naist
aux forests, la Palustre qui s'engé-
dre aux marais, & l'aquaticque
qui naist en la mer. Les Aquati-
ques n'ont point de dents, mais
ont l'extremité de leur bec, fort
trenchât: & si ferme qu'ils en bri-
sent les pierres, & leur machouë-
re de dessous s'emboite iustemēt
dās celle de dessus, sont animaux
amphibis, venant a terre ils viuēt
d'herbes, ils font des œufs cōme
les oiseaux, & en grand nombre,
ils les couuēt la nuit vn an durāt,
& les couurent le iour.

Des Semblablement nous trouuas-
Ca- mes grande abōdance de Came-
me- leōs en l'Isle de Madagascar pres
lions. la coste del'Afrique qui sont de
la longueur d'vn pied & demy,
ils ont les iambes assez hautes, le
dos escaillé iusqu'au bout de la
queuë, & comme vn casque sur
la teste, la peau des costez, & des-
sous le ventre est fort deliée &

tēdre, cet animal est fort craintif,
 & estāt prins, marche fort lente-
 ment: plusieurs tiennēt qu'ils vi-
 uēt du vent: ce qu'auōs recognu
 n'estre vray. Car ils mōtēt sur les
 arbres, & les plātes, ou ils mangēt
 des mouches, & autres tels petits
 animaux: qu'ils prēnent fort sub-
 tillement avec leurs langues, qui
 est cōme vn dard. Et pour en fai-
 re l'experiēce, j'en mis vn dās vne
 cage exposée a l'air, lequel mou-
 rut en 3. iours, & d'autres que j'a-
 uois attachez allant sur les her-
 bes, viuoiet des animaux susdits.
 Ils se transmuent de couleur lors
 qu'ōleur approche quelque cho-
 se, a cause de la tenuité & transpa-
 rence de leur peau: & aussi pour
 leur grāde timidité, quād on les
 trouue sur les herbes, sont parfait-
 tement verds, & se voyans pris,
 deuiennent blancs & noirs, ils
 ōt les yeux fort petits, la prunelle

de l'œil, n'estant plus grosse qu'une teste d'espingle qui est au milieu d'une petite boule de la grosseur d'un poids, laquelle se meut tousiours, & iamais ne ferment les yeux.

Des Poissons volans, & de leur Chasse, & des Bonittes & Albachores.

C H A P. VII.

Des poissons volans SOUS la zone torride a la Smer, il se void grand nombre de poissons vollants, de grandeur pour le plus, comme Macque-reaux, & d'autres plus petits, les vns ayants quatre aifles, & les autres deux, qui sont de grandes nages lesquelles leur seruent d'aifles, ils ne volent point s'ils ne sont poursuivis d'autres grands poissons qui s'en nourrissent, qui sont les Bonittes & Albachores : il y a

grand plaisir a voir ceste chasse de ces poissons volans, lesquels n'ont aucun lieu de seur-acez, pour estre pourchassez en l'eau de ces grands poissons, sortans hors de l'eau ils sont en vn autre plus grand; à cause d'vn grand nombre d'oiseaux qui les attendent en l'air pour les surprendre en volant, nous leurs voyons quelque fois oster la proye à ces grands poissons, ce qui nous faisoit passer quelque fois le temps, ces poissons volans demeurent en l'air, tant que leurs nages conservent l'humidité qu'ils ont apportee de l'eau; en laquelle ils retombent estant desseichee, il en voloit quelques fois dans nostre Nauire, qui donnoient contre nos voiles, & tomboient sur le tillac, nous les mangions & trouuions assez delicats.

Les Bonnites ce sont poissons

de la façon de grandes Carpes, plus grandes, & plus espoisses, elles se trouuent en plaine mer en grande abondance, suiuant les Nauires quelquefois fort long temps, qui est comme vne manne aux Nauigans, à nostre retour des Indes estans a trente degrez vers le polle Antartique: tous les hommes de nostre Nauire commencerent a enfler, ce qui prouenoit par faute de bonne nourriture & de quelque rafraischissement, & par le moyen de ce poisson qui se prenoit en quantité: nos malades furent remis en santé.

Les Albacores ne different en rien d'auec les Bonnites sinon qu'elles sont plus grandes, ont d'escailles, & la peau de dessus le ventre fort blanche, qui leur donne vne clarté dans l'eau.

CHAP. VIII.

LEs Emissolles (appellées des ^{Des} Portugais Tutbarons) sont ^{Emissolles.} grands poissons ayans la teste platte & large, la gueulle garnie de dents (par plusieurs rangs) qui sont fort aigues, voyant vn homme nud à la nage le tirent au fonds, ils ne paroissent sur l'eau que lors que la mer est calme, ils ont tousiours avec eux ^{Des} nombre de petits poissons, que ^{Dauphins} les Mariniers nomment Sucés. Plusieurs tiennent que sont les vrais Dauphins, ils ont vne Couronne sur la teste faicte a ondes de laquelle ils s'attachent contre l'emisole. Lors qu'elle a quelque proye, ces petits Dauphins vont manger avec elle, & entrent dedans sa gueulle sans estre offencez.

En l'Isle d'Anabon, nous prîmes des poissons que nous appellions pourceaux (à cause qu'ils leurs ressembtent) ces poissons ont vne peau fort espaisse, couverte de petites escailles tres dures, & sont garnis de plusieurs aiguillons fort pointus, leur gueule est garnie dessus & dessous de dents aigues, ils ont vne espee de groin retroussé, & les yeux fort gros, qui luy sortent de la teste, ce poisson est gourmand comme les Pourceaux terrestres, aussi à le ventre fort grand, se nourrit d'autre poisson qu'il engloutit.

Au mesme lieu fut prins vn poisson ayât le corps comme vne Lamproye, la queue platte, il auoit le bec comme vn tuyau ou flute, aussi long que tout le corps.

A l'Isle de Madagascar sous le tropique de Capricorne, fut prins avec la ret vn petit poisson ayant

la teste fort grosse à proportion du corps, lequel se sentant priué de son Element, s'enfloit comme vn Crapaut, lequel nom luy conuient pour sa mauuaise nature, ceux qui en mangerent, l'espace de 24. heures demeurerent troublez d'esprit, avec vn tremblemēt de tout le corps, & autres accidēs.

Dedans la riuiera d'Achem se prend vn poisson, qu'il n'est permis a aucun de manger, ceux qui le peschent sont contrains de le porter au Roy, ils le nomment *Y quan quita*, qui est à dire poisson du Roy, il ressemble à vne Carpe, le Roy nous en enuoyoit souuēt.

Du Poiure, & du Gingembre.

CHAP. IX.

IL y a trois sortes de Poiure à ^{Du} scauoir, noir, blanc, & long, les- ^{poi-} ^{ure.} quels croissent en Malaca, Suma-

tra, & Iaua, & en diuers autres
 endroits, tant de la terre ferme,
 qu'ez Isles, en celles cy y en croist
 plus grande abondance, les Ar-
 bres qui produisent le Poiure
 noir, & blanc, se ressemblent en
 forme, on les plante au pied d'un
 autre arbre & le plus souuant au
 pied de Lareca, qui est vne sorte
 de palme (ou au pied de cer-
 tains roseaux appelez Mambus)
 au tour duquel il s'entortille
 comme la vigne, ou le houblon,
 est monté iusques au plus haut, la
 tige approche de la couleur de la
 vigne, les fueilles sont cōme cel-
 les de l'Oranger, vn peu plus pe-
 tites, elles sont vertes & pointues
 par le bout, & quād vous les mas-
 chez, sont fort aspres au goust, le
 Poiure vient par grapes longues
 du trauers de six doigts peu plus,
 garnies tout autour des grains at-
 tachez fort pres de la tige de la

grappe, il demeure vert iusques à ce qu'il soit meur, & lors prend vne couleur rougeastre & en seichant deuient noir, on commence à le cueillir au mois de Decembre iusqu'au mois de Iāuier, toute la difference qu'il y a entre les Poiuriers blancs, & les noirs, est telle, qu'entre la vigne blāche, & la noire. Quand au Poiure lōg, il croist sur vn autre arbre tout differant. Les Indiens en font peu de cas, ils en cueillent grande quantité estant encor vert, lequel ils conseruent en vinaigre, & sel, & s'en seruent comme d'Oliues ou de Capres, ils en mangent pour auoir meilleur appetit, le Poiure noir en langue malaïque se nomme, *lada*, le poiure blanc *lada poute*, & le poiure long *pipili*.

Le Gingembre croist par toute ^{Du} la Zone Toride, nous en vismes ^{Gin-} ^{gem-} ^{bre.} aux Isles de Comoro Madagascar,

& Anabon, estant vert & le mettant en la bouche on est long temps à s'appercevoir de son acrimonie : mais quand il est sec on la recognoist incontinent, ils le confisent avec du sel, & vinaigre, comme le Poiure vert, & en mangent en salade, la plante est semblable à Liris, où Glayeul, il se cueille en Decembre, & Iāuier, ils le seicheut en ceste sorte, le couurent de terre franche pour emplir beaucoup de pertuis qu'il a, & le tenir plus fraichement: car autrement en moins de rien seroit mangé des vers, est de peu de valeur & d'estime aux Indes, en langage Malaïque il est appelé *aliaa*.

Du Macis, de la Muscade, de la Canelle & du Girofle.

CHAP. X.

*De la
Mus-
cade
&
Ma-
cis.*

L'Arbre qui produit la Nois Muscade & le Macis croist

en quelques endroits particuliers
des Indes comme en l'Isle de Bã-
da, Iaua & quelques autres en-
droits, l'arbre est de la grandeur
d'un peschier ayant les fueilles
plus grâdes que celle du Peschier,
& plus vertes & larges, la noix
Muscade, est enfermee d'une es-
corce charnue, comme vne Pes-
che & de la mesme grosseur, & le
noyau, c'est la noix Muscade qui
est enuironnee & couuerte du
Massis qui est comme vne espece
de ret, ceste escorce espoisse est
tres-bonne à manger estant meu-
re, & lors s'ouurant l'on voit le
Massis qui enuironne la noix, qui
est d'un beau rouge, auons appor-
té le fruit tout entier des Indes,
où ce voit tout se que dessus.

La Canelle est appelée des A-^{De}
rabes *quirsa*, des Perses *darchina*^{la Ca}
ceux de Zeilan la ou elle est en
plus grande abondance, l'appellēt
^{nelle.}

Curdo, & en langage Malaïque
Caismani, l'arbre qui la porte est
 de la grandeur d'un Oliuier: estât
 en sa perfection, les fueilles sont
 comme celles du Laurier, plus
 rondes de peu, produit vne fleur
 blanche, & vn fruit de la façon
 d'Oliues meures, duquel fruit
 les habitans du pays tirent de
 l'huile pour leur vsage, cest arbre
 a deux escorces, la deuxiesme est
 la Canelle, laquelle ayant coupee
 en pieces quarrees la font seicher,
 & se roule d'elle mesme l'une de-
 dans l'autre: la couleur rougea-
 tre qu'elle a prouient de la cha-
 leur du Soleil, apres auoir ainsi
 osté l'escorce de cest arbre: deux
 ou trois ans apres il en produit
 d'autre, en ce lieu d'Achem en
 croist aux boccages & lieux de-
 ferts laquelle est fort deliée & bõ-
 ne, ces arbres croissent sans estre
 plantez ny cultiuez, sa racine rēd

vne eau qui a l'odeur de camphre, se distille vne tres-bonne eau de l'escorce estant demie verte, qui est fort vſitee des Indiens, les Portugais en amassent, qu'ils enuoyent en Portugal, de la fleur de ce mesme arbre, on tire de l'eau qui n'a pas si bonne odeur.

Le Girofle est appellé de ceux ^{Du} de l'Arabie & de la pluspart des ^{Gi-}Indiens, (*Calaphur*) & aux Isles ^{rofle.} des Moluques principalement en l'Isle de Tarnate, la où il croist en plus grande abondance qu'en nulle autre: l'appellent *chanke* aux cinq Isles Moluques qui sont sous la ligne, cest arbre vient, il est semblable a vn l'aurier la fueille ressemble à celle de l'Amandier, vn peu plus estroites, les fleurs s'espanouyſſant au commencement sont blanches, apres iaunes, finalement rouges, & de

ceste derniere fleur s'engendre le
 Clou, ceste fleur rouge à fort bõ-
 ne odeur, croissent fort espois
 l'vn de l'autre, estant cueillis on
 les faict seicher, à l'endroit ou
 croissent ces girofles, il ne vient
 aucune plante, ny verdure, la
 place ou ils sont est tousiours sei-
 che à cause qu'ils attirent toutes
 les humiditez, le Girofle est si
 chaut de soy que les Indiens lors
 qu'il est cueilly le serrent en chã-
 bres pour le nettoyer, dans les-
 quelles si par hazard se trouuoit
 vne pippe d'eau, ou autre liqueur
 elle se trouueroit peu de temps
 apres consumee, ces arbres crois-
 sent au bord de la mer, à la portee
 d'vn passeuolant, sans estre plan-
 tez ny labourez, & lors qu'ils veu-
 lent cueillir le fruiet, nettoient la
 terre qui est aux enuiron, & attra-
 chent les branches avec des cor-
 des avec lesquelles ils les abbaif-
 sent

sent & de ceste façon cueillent le fruit, l'année ensuiuant ils portent fort peu de fruit, l'année d'après qui est la seconde, il croist d'autres arbres des Cloux qui estoient tombez en terre: lesquels sont venus en peu de temps, à cause des grandes pluyes, qui tombent en ces lieux pour estre sous la ligne Equinoxiale, la saison qu'ils se cueillent est depuis le mois de Septembre iusques au mois de Ianuier, ils les confissent estant vers comme a esté dit du Poiure.

Du Curcuma, & des Cubebes.

CHAP. XI.

LE Curcuma est la racine ^{Die} d'une plante fort semblable ^{Cur-} à celle du Gingembre ou Glaieul, ^{cia-} & porte vne belle fleur sembla- ^{ma-} ble à la fleur de Lis, ceste racine estant recente, elle est peu iaune, & ne sent on sa forte vertu pour

G

l'abondance de son humidité, estant seiche elle est piquante, non du tout comme le Gingembre, & le maschant on ne ressent incontinent son acrimonie, mais peu apres commence à fort piquer, elle est aussi fort semblable au Gingembre; fors qu'au dedans elle est iaune, nodeuse, & aisee a rompre, les Portugais l'appellent *Crocus Indicus*, d'autant que les Indiens s'en seruent pour l'assaisonnement de leurs viandes, s'appelle en langage Malaïque *Cunhet* & de nous, terre Merrite.

Des
Cu-
bebes Les Cubebe se trouuent en Achem, sont apportees de dessus le pays & les voit on encores par grappes non du tout mures, mais encore vertes, ce qui m'empesche de croire l'opinion de ceux qui disent qu'ils les font boullir, le demandant a quelques Indiens

qui en vandoient, il se rioient pensant que ie le disois par moquerie, l'arbre qui les porte a la fueille semblable au Pommier, nous ne peusmes voir l'arbre pour estre loing, nous eusmes seulement les grappes fraisches.

Des Sandauls, & du Bois d'Aloes.

CHAP. XII.

EN plusieurs endroits des Indes se treuve du Sandal ^{De l}
 blanc, & citrin, il en croist aux ^{Sandauls}
 Isles de Pouloué, & Gamispola, ou nous fusmes quelques iours à l'ancre, ces arbres sont moyennement grands, la fueille ronde & assez verde, ny auoit aucune fleur, ny fruit. En Achem tous les iours s'en apporte de verd, lequel n'a aucune odeur : que lors qu'il commence a seicher, est a fort bas pris, celuy qui vient de Malaca, & de Timor, est plus excellent. Toutes les femmes s'en ser-

uent, pour se faire sentir bon, le broient sur vne pierre avec de l'eau, puis s'en oignent & emplastrent le corps.

Le Sandal rouge vient de l'Isle de Madagascar, bien que n'aye veu l'arbre, la raison est que les Sauvages qui iournellement venoient traficquer avec nous, auoient leurs Sgayes, ou dars faicts de Sandal rouge, & en auons eu plusieurs d'iceux en eschange.

Des bois d'Aloes. Il se trouue de deux sortes de bois d'Aloes aux Indes, sçauoir est le meilleur, qui est dict en Malaïque, *Calamba*, & vn autre moindre appelé en Malaïque *garrou*, qui ordinairement est tout pourry & de moindre pris que le *Calamba*, on ne peut voir les arbres d'autant qu'ils sont aux montaignes, auant sur le pays là ou se retirent les Tigres, on tient que l'arbre est semblable aux Oliuiers.

*De la Gomme Lacque, de Lindigo
ou Annil.*

C H A P. XIII.

LA Lacque est appellee des ^{De}Indiens, *Treck*, Toutesfois ^{la La}_{que.} en Achem Isle de Sumatra est appellee, *loc sumatri*, comme naissant en ceste Isle, elle est apportee en Achem de dessus le pays pour vendre, elle prouient de certains arbres semblables aux Pruniers ou poiriers, lesquels rendent vne liqueur gommeuse, il y a certaines mousches qui mangent ceste gomme qu'ils reiettent, de maniere que font les Abeilles les fleurs & rosees qu'ils cueillent, ainsi de mesme cesdites mousches rendent ceste liqueur: autour des branches de ladite arbre, l'environnant de ceste matiere qu'ils rendent, qui est la vraye Lacque, en apres ceux du pays pour cueillir ladite Lacque ils coupent les

branches, & rameaux qui sont garnis de telle matiere : & la font seicher au Soleil, estant seiche la gomme se separe du bois, & ainsi la serrent, ils fondent les petits morceaux, & le bris pour en refaire vne masse, laquelle par ce moyen pert vn peu de sa vertu, à cause qu'elle se trouue plus meslee d'ordures, ils s'en seruent pour fermer les lettres, & en frottent tous leurs meubles de bois, ils couurent des boistes de ceste liqueur (qui est rouge pour l'ordinaire) fort proprement (neantmoins luy donnent telle tainture d'autre couleur qui leur plaist) ils en font grand trafic.

De
Lin-
digo. Ceux de Guzaraté nomment *lindigo Galli*, ou *Nil*, c'est vne herbe qui croist, comme le Romarin ayant ses fleurs de couleur celeste ressemblant a celle du *Barba iouis*, elle viennent de semence,

comme les autres herbages, & quand on la cueille, on la seiche & puis on la remouille par plusieurs fois, la faisant de rechef seicher, au commencement elle est fort verte, & à la fin deuiēt bleüe, les Indiens en font grand estat, à cause qu'elle leur sert en toutes leurs taintures, cest Anil doit estre leger & bien coloré & si on le brusle il ne doit laisser aucun sable, mais ce conuertir en farine tres-deliée.

En l'Isle de Madagascar nous en vismes grande quantité, qu'il ne sont curieux de cultiuer, toutesfois ils s'en seruent pour tindre leurs draps.

*De l'Ambre, du Benjoin, du Cāphre,
& de la racine de Chine.*

CHAP. XIV.

IL est certain que l'Ambre prouient de la Mer, & en plusieurs & diuers lieux, tant sous la Zōne

torride qu'en nos Mers, pour l'origine, les plus pertinentes opinions sont, que c'est vne espece de bitume qui prouient d'une fontaine qui est au fond de la Mer, laquelle fleurist & iette cest Ambre au haut de l'eau, les autres que c'est vn bitume qui prouient des fontaines d'eau douce, les autres qu'il s'engendre aux rochers de la Mer, comme les Champignons sur les arbres, & que par les tempestes est ietté au riuage de la Mer, les autres que c'est vne espece de terre, & que mesme c'est trouué des Isles d'Ambre & ceux qui les auoient descouuertes voulant reuenir n'ont rien trouué. Aux Indes s'en trouue en plusieurs parts: il y a des Isles au golfe de Gange appellees Isles de Nicobar, pour l'abondance de l'Ambre qui s'y trouue, & le baillent en eschange

pour toilles, & merceries de peu de valeur.

Le Benioin croist en l'Isle de Sumatra, Zeilan, Iaua, & Malaca, croist en des hauts arbres, espoisses de branches, ressemblant de la fueille au Limonnier ayant le tronc fort gros duquel prouient ceste gomme dicte Benioin, & lors que les arbres sont ieunes, randent meilleur Benioin 'qui est de couleur noire, & de bonne senteur & l'appellent Benioin de Boninas, qui est à dire Benioin de fleurs, à cause de la senteur, l'autre est Benioin amãdoado, à cause qu'il y a des petites blancheurs: comme Amendes, & cestuy-là prouient des vieux arbres, ces deux sortes icy sont les meilleures, ceux du pays l'appellent *Comingeum*, les Mores & ceux de l'Arabie l'appellent *lounaniany*, l'on sent le bois

afin que ce Benioin forte en plus grande abondance.

En l'Isle de Sumatra croist beaucoup d'arbres qui portent le Camphre, ceux de dessus le pays l'apportent vendre, en Achem, par pains poizant chasque pain plus de demie liure, est noirastre, il y en a d'autre qui est esnié & plus blanc, prouient tout d'un arbre, en auons veu des pieces du bois fort grandes, lesquelles ils tailloient pour faire quelques ouurages.

La racine de Chine croist en plus grande abondance à la Chine d'où elle a prins le nom (toutesfois qu'ils la nomment autrement que nous, scauoir est (*lampatem*) que en nul endroit de toutes les Indes: & est meilleure: car celle qui croist en Malabar, Cochinchine, Sumatra, & Malaca, est flegmeuse & seiche, ou celle qui vient

de la Chine est bien nourrie, toutesfois elle est incontinent percee & rongee de vers, si on ne la conferue avec du poiure, la plante qui la produict est fermenteu- se & s'attache avec ses espines aux arbres comme la vigne, sa fueille ressemble au grand Plantain non du tout si larges, les racines sont de la grosseur, comme les voyons par deça assez dures, pesantes, & blanches au dedans, quelquefois rougeastres, l'vsage en est fort commun aux Indes, ils en vsent pour assaisonner leurs viandes, & pour plusieurs maladies font cuire vne once de la racine en 16. liu. d'eau, à la consommation de 6. liu.

*Des Tamarins, de la Casse laxative,
des Mirabolans.*

CHAP. XV.

EN l'Isle de Madagascarnous Des
vismes grãde quantité d'ar- Ta-
ma-
rins.

G vj

bres Tamarindiers, qui sont hauts
 comme vn poirier, ils ont les ra-
 meaux fort espandus, & faisant
 beaucoup d'ombrage, ressam-
 blent pour le regard de la fueille
 au Regualisse, plus longues &
 plus estroites, arrangees de mes-
 me ordre que la fueille de Pin-
 pernelle, leur escorce est cizelee
 comme celuy de l'Orme, ils pro-
 duisent vne fleur au commence-
 ment rougeatre, comme fleurs
 d'Amandiers, puis deuient
 blanches ayāt au dedans de petits
 filets qui sortent, ausquels leur
 fruiēt est attaché, qui ressemblent
 a vne gouffe de febue toutefois
 plus grosse, les vnes sont droites,
 les autres recourbees, ce fruiēt est
 premierement vert, & n'estant
 meur est fort aspre, (ce qui nous
 seruoit pour mettre aux potages
 au lieu de verius & autres herbes)
 estant meur deuient cōme tané
 ayāt au dedās la pulpe & noyaux,

lesquels noyaux sont environnez d'une pelicule sur laquelle est cõtenuë la pulpe environnee de filamens, lesquels serrent le dedans du fruit, & empesche qu'il n'adhere a la gouffe ou silique, de façon que le fruit estant meur pressant ladicte silique, avec les doigts, se rompt sans interesser le dedans, le fruit est fort aigre recentement cueilly, de façon que pour peu que l'on en goust, on a les dents fort agassées, ils seruent de nourriture aux habitans de ladicte Isle.

Aussi tost que le Soleil, commence a se cacher sous l'horison les fueilles se serrent & environnent le fruit, pour le deffendre de la froidure de la nuit, & le matin le Soleil remontant sur l'horison elles s'ouurent, ces fruits croissent deux fois l'an sans estre cultivez, de façon que quelque-

fois sur vn mesme arbre, nous auons cueilly du fruit encore vert, & d'autre parfaitement meur, y en a plusieurs a Sumatra lesquels ont la fueille plus grande.

De la L'arbre de la Casse est de la grã-
Casse deur d'vn Poirier, & a la fueille plus large & verte approchant de couleur & figure a celle d'vn Poirier, elle porte vne fleur iaune, assez large qui est de bonne odeur, au mois de Septembre estoit en fleur en l'Isle de Sumatra, apres la fleur, elle produit des gouffes longues de couleur verte, venant a meurir se noircissent comme a esté dit des Tamarins, ils n'en font aucune estime, les arbres viennent sans trauail ny ayde, lors que le fruiet est meur on ne peut sejourner long temps deffous pour la grande abondance des Mouches.

Des
Miro Bien qu'a Sumatra se trouue
belas,

des Mirobolans, Citrins noirs, ou
 Indiens & chepules , toutefois ie
 ne peu ſçauoir s'ils venoient de ce
 lieu , ou ſi les Gentils & ceux qui
 viennent de Calicut les apportēt:
 y a grande quantité d'arbres de
 Mirobolās Citrins, ils ont la fueil-
 le toute ſemblable au Prunier,
 vn peu plus ronde que le Pru-
 nier, & l'arbre de la meſme gran-
 deur.

*De l'Arbre prouenant aux Indes
 Orientales appelé Arbre
 Trifte.*

CHAP. XVI.

C'Est arbre eſt ainſi nommé ^{Du}
 par ce qu'il ne florift iamais ^{Sin-}
 que la nuit, qui eſt vne choſe ^{gadi.}
 digne d'admiration : d'autant
 que lors que le Soleil ſe couche,
 vous ne voyez aucunes fleurs ſus

l'Arbre, ny aucune apparence, & quelque demy heure apres que le Soleil sera caché soubs l'orison, ledit Arbre deuiendra tout flori, & aussi tost que le iour commence a leur faire sentir ses rayons, les fleurs tombent toutes de l'Arbre, sans qu'il en demeure aucune, & les fueilles se ferment a demy, demeurant en ceste forme iusqu'a ce que le Soleil soit couché, & lors les fueilles s'estendent, & sont accompagnées de nouvelles fleurs, continuant toute l'année en ceste sorte, il y en a en plusieurs endroiets aux Indes, sçauoir à Goua, Malaca, Bengale, & Sumatra, l'Arbre est de la grandeur d'un Poirier, la feuille approchât en figure de celle du Laurier, est vn peu dechiquetee.

Produit vne petite semence de quoy ils mettent aux potages, & disent que l'eau distillée de ces

fleurs, est bonne contre la maladie des yeux, souuentefois les femmes du pays voyāt que nous preniōs plaisir a la rareté & odeur douce & agreable de ces fleurs: estoient curieuses de grād matin de les cueillir pour les nous apporter, affin d'en tirer quelque profit, qui estoit quelques petites pieces de plomb qui est leur monnoye commune appellées Casses, cet Arbre est dit en langue Malaique *Singadi*.

*De l'ebene, d'un Arbre portant Cotō,
dite Pagniera, du Dadab, &
du Doturo.*

CHAP. XVII.

L'Arbre de l'Ebene, est de la ^{De} grandeur d'un Oliuier ayant ^{l'Ebe} la forme de celle du Sauge, & ^{ne.} lisse comme celle du Lantisque, e-

stant par petits Trochets, porte
vne fleur blanche, comme vne
maniere de Rose, le bois estant
vert n'est tout noir, seulement le
cœur du dedans, & lors qu'il est
sec il deuient noir, ce bois est fort
dur & difficile a coupper, en l'Isle
de sainte Helaine, nous en coup-
pasmes vne grãde quantité, com-
me du bois de Rose, qui est vn
arbrisseau venant sur les Montai-
gnes.

De l'Arbre portant tant coté. L'arbre dit *Pagniera* est de la
grãdeur d'un Fresne, ayãt la feuil-
le semblable. Il porte des gouffes
ou filiques, de la longueur d'une
Paume qui sont pleines d'un Co-
ton aussi fin & delicat que de la
Soye, au dedans est contenue vne
graine semblable au Poiure noir.
Cet Arbre est fort commun a Su-
matra.

Du Cladi. Le *Cladi* ou *Chambou*, ainsi dit a
Sumatra, est vne herbe qui a les

feuilles semblables au *pes Vituli*,
 toutefois beaucoup plus gran-
 des, ils la plantent en lieux hu-
 mides, & s'en seruent avec leurs
 viandes, les Indiens disent qu'elle
 ne produit ny fleurs ny fruit.

Le *Dadab* est vn Arbrisseau e- ^{Da}
 spineux, qui a sa feuille large & ^{Da-}
 fort verte, laquelle leur sert pour ^{dab.}
 mettre sur leurs playes, & est leur
 remede ordinaire, il ne produit
 aucun fruit.

Le *Doturo* est vne plante qui ^{Da}
 ressemble en toutes ses parties au ^{Dotu}
Stramonium, il est fort commun ^{ro.}
 en Sumatra, se trouue par tous
 les grands chemins, est cognu de
 tous ceux du pays, lesquels s'en
 seruent tant a bonne, que a mau-
 uaise occasion, est de temperature
 froide, & seiche, demie dra-
 gme de sa semence, fait estre ce-
 luy qui la prise comme force-
 né, rit tousiours sans iugement,

ceux qui en ont prins pour se guairir, doiuent vomir, ceux du pays ont inuenté vn remede fort aisé, qui est de mettre les pieds du patient en de l'eau chaude.

De la Palme qui porte la noix Indienne, & des autres especes de Palme.

CHAP. XVIII.

*De la
Palme
Indienne.*

BIen qu'aux Indes il y ait grande abondance d'excellents fruiçts, toutesfois il ne s'en trouue desquels se tirent tant de commodité pour l'vsage de la vie humaine, que de ceste Palme qui produit ces Cocquos ou Noix d'Inde, estant le plus grand & principal nutriment de tous les Indîes: & avec peu de trauail. Ceste palme est fort haute d'enuiron 15. toises, son tronc est fongueux &

plain de filamens, duquel se seruēt pour bastir leurs maisons, en estāt closes & couuertes, ce qu'ils sçauent faire proprement. La Noix couuerte de son escorce est plus grosse que la teste d'un homme, ceste escorce est verte au dessus, & au dedans pleine de filaments dont ils font leur cordage.

La Noix qui est au dedās a vne escorce fort dure, & espoisse, & a dedans soy vne moelle fort tendre, enuironnant tout le dedans a l'espoisseur d'un doigt ou dauantage, & a le goust cōme d'Amandes, ceste moëlle enuironne de soy vne assez bonne quantité d'eau qui est fort excellente, ayant vn bon goust, elle sert a defalterer, & nourrir, de façon qu'ayant de ces fruiets, on peut viure commodement.

Il se tire de l'huile de la pulpe, la pillant & apres l'arrosant avec

de l'eau chaude, ceste huille estât recente est aussi bonne que de l'huile d'Oliue, en outre on tire du vin de l'Arbre: couppant vne branche d'où distile vne liqueur comme vin doux: qui ne se peust garder plus d'un iour sans s'aigrir.

En outre des mesmes fruiets se distile vne liqueur comme eau ardante, qu'ils nomment *arac*: de la pulpe recente on en fait du lait comme d'amende, de la liqueur du dedans on en fait du vin aigre.

De l'escorce des fruits on se sert pour faire des plats & des bouteilles pour boire, cōme la coustume du pays est, chaque Gentil-homme a vn petit garçon qui porte apres luy vn de ces Cocquos garny avec de l'estain plain d'eau, & vne boite avec du Betel, de l'areca & de la chaux.

Il se voit plusieurs Ioncques garnies de Cables, cordages, &

voiles', tous de ces Palmes, aussi toutes leurs Iôcques & Cannoas n'ont autres voiles que de toile de Palme. Les arbres estant pourris & secs, se nourrist dedans leur tronc: de gros vers, dequoy les Indiens sont fort frians.

Les Indiens disent que toutes les Lunes ceste palme produict vn nouveau rameau de fruits, ce que ie croy, d'autant qu'en toutes saisons, produict du fruit.

Ceste Palme qui porte la noix d'Inde, est la premiere espece: nous en auons veu de cinq sortes en nostre voyage.

La pulpe de ceux qui viennent aux Isles des Maldiuës est fort propre contre les venins, contre la Colique, Paralysie, Epilepsie, & autres maladies de nerfs, la dose de ceste pulpe ou moelle est de dix grains: avec liqueur conuenable, elle est en grand estime

aux Indes & fort chere, i'en ay recouuert vn morceau d'un Gentil, de la vertu duquel ie n'ay point encor fait d'experience, elle est dure, & de couleur rouffatre, infipide & fort poreuse.

Are- La seconde espece de Palme est
gua appelée des Portugais *Arequero*,
2. e- & en langue Malaique *Pinan*. Cet
spece Arbre est assez ressemblant au
de precedent qui porte les Coccos,
Pal- ayant les fueilles de mesme esten-
me. due, & le dedans de la tige pleine de filamens. Cet Arbre porte le fruit appelé *Areca*, qui est en grand usage entre les Indiens, avec les fueilles de Betel, & la Chaux, & sont si accoustumez à macher de cet *Areca*, & Betel, qu'il leur est impossible de viure sans en vser. Parquoy on les voit iour & nuit estant esueillez, tousiours machât de ce Betel, comme les Animaux qui ruminent, tant hommes que femmes,

femmes, ils iettent le premier suc,
 & aualent le second, ce fruit est
 appellé des Arabes *Faufel*, visitant
 quelqu'un par honneur, il vous
 presentera du Betel, Areca, & de
 la Chaux, en font porter avec eux
 dedans vn petit coffret, lors qu'il
 meurt quelqu'un de leurs parens
 ou amis pour en faire le dueil, n'v-
 sent point de Betel & Areca, & ne
 mangent point de chair de Buffle
 noire, estimant que ce soit vn grand
 tesmoignage d'affliction.

La raison pour laquelle ils en
 vsent si ordinairement, c'est com-
 me ils disent pour fortifier l'esto-
 mac, & les genciues, cela leur fait
 les dents noires comme d'Ebene
 qu'ils tiennent pour vne grande
 beauté.

Ce fruit est premierement en-
 ueloppé d'une gouffe insque à ce
 qu'il commence a meurir lors il
 s'ouure estant meur, les gouffes

rombent & les fruiçts demeurent
pēdus à l'arbre qui est d'une belle
couleur Orāgee. Il est froit & sec,
& fort adstringēt; il est de la gros-
seur d'une Pesche, fait en ouale, la
1. escorce est de filamens qui
couure la Noix qui est semblable
à la Muscade, plus grosse & fort
dure, est pleine de veines blāches,
& roujâtres, il est en grande quan-
tité en Sumatra, il s'en charge des
Ionques, & Nauires, pour porter
en plusieurs parts des Indes, est de
bon trafic.

Pal- Le Palmier qui porte les Dates
mier est la troisiēme espee, il n'ē croit
Da- aucunement aux Indes, nous en
sier vîmes en l'Isle sainte Heleine, est
nommé Tamar.

Lan La 4. espee de Palme est ditte
tor 4 en langue Malaique *Lantor*, à les
feuilles comme les autres Palmes
pour la façon, toutefois plus vnies
& ployables que les autres, & fort

longues, dequoy ils se seruēt pour faire des liures sur lesquels ils bu-
rinēt avec vn fer, ou stile a ce pro-
pre, elle produit vn fruit comme
des Serises, de couleur orengé,
ayant vn noyau, ils tirent vne hui-
le de ce fruit, dont ils se seruent en
plusieurs choses, les Indiens tien-
nent que ceste-cy, est la femelle
de la premiere espee, qui est la
Palme qui porte la noix Indienne.

La 5. & derniere espee est fort ^{Pal-}
petite, son tronc est cōme le Da-^{miste}
tier, ainsi noeux, elle produit vn ^{5. es-}
fruit cōme Poirs, qui a l'escorce ^{pece.}
fort dure: & pleine d'vne substāce
assez douce, la meilleure chose
qu'on en puisse tirer, c'est le cœur,
& cime, qui est de fort bon goust,
en l'Isle de Madagascar il y en a
grande quantité.

H ij

*Du Betel, & de la Chaux qu'ils vsent
avec le Betel.*

CHAP. XIX.

A Pres auoir parlé de l'Areca,
ou auons mentionné le Be-
tel en cet endroit dirons, que c'est
suiuant ce qu'en auõs veu par les
Indiens.

Le Betel est yne plante quel'on
a de coustume de mettre au pied
de quelque Arbre, ou il s'entortil-
le comme le Poiure, Lierre, ou
Houblon, il a les rameaux fort
tendres.

Ils le meslét avec l'Areca, pour
mitiguer l'amertume dudit A-
reca.

Ils font de la Chaux avec des
escailles d'Huistres bruslee, & la-
uee, dequoy ils se seruent avec les
sufdits Areca, & Betel.

*Des Bannanes, des Annanes, & des
Mangues.*

C H A P. XX.

LE Bannanier est vn Arbrif-^{Des}
seau de la hauteur de quin-^{Ban-}
ze pieds, son tronc est moelleux ^{nanes}
& couuert d'une escorce de fueil-
les rangees en escailles, ces feuil-
les sont fort grandes: ont enuiron
deux pieds de largeur, & cinq de
lōgueur, de couleur de vert guay.
Cet Arbriseau fait vn trōc ou cep
dedans la terre : duquel sortent
plusieurs reiettōs, separez les vns
des autres, lesquels croissent & de-
uiennent comme le premier : &
estant a sa grandeur il iette du mi-
lieu du tronc vne fleur rougeatre
de la grosseur & forme d'un Arti-
chaut, de laquelle apres se forme
vn rameau, ou grappe du fruct
iusqu'au nombre de cēt quelque-

fois ou dauantage, chacun de ces fruits est de la lōgueur d'vne paille ou enuirō, ceux de l'Isle de Anabō sont plus gros que ceux des Isles de Comoro, ny Sumatra: la grosseur ordinaire de ce fruit est de quatre doigts, il y en a de deux sortes, l'vn qui a plusieurs costes, & l'autre qui est tout rond, ce dernier est le meilleur, l'Arbrisseau qui les produict est semblable, ne rapporte iamais qu'vne fois du fruit, & premier qu'il soit meur a rendu ses iettōs au pied, qui produisent comme le premier, le tronc est plus gros que la cuisse d'vn homme, lequel estant incisé rend grande quantité d'eau qui est bonne pour desalterer, ce fruit & celuy des Cocos, est la plus grande nourriture des Indiens; les anciēns l'ont appelé *musā*, en Malaique est appelé *pican*, quelques Indiens disent que c'est le fruit de vie.

La plante qui produict les An-
 nanes est basse, ayant les fueilles ^{Des}
 semblables a l'Aloes, le fruit est ^{An-}
 fort semblable a vne Pōme de pin, ^{nes.}
 vn peu plus gros, & est ainsi fait a
 pinulles ou escailles, estāt parfait-
 temēt meur, est de couleur iaune
 peu marqué de rouge, le dedās est
 fort tēdre: & d'vn delicieux man-
 ger, ceux qui n'ōt accoustumē l'v-
 sage de ce fruit: en sont incommo-
 dez, cause des fieures & flux de
 sang, au haut du fruit il ya vn bou-
 quet de fueilles, lequel plātē pro-
 duit d'autre fruits, encore qu'il
 eust demeuré 15. iours hors de ter-
 re pour sa grande humidité, ayant
 couppe le fruit, si on laissoit le cou-
 teau sans essuyer, en vne nuit se-
 roit tout rongé, tāt ce ius est chaut
 & penetrant, il ya quelque temps
 qu'il n'estoit permis a tous de plā-
 ter de ce fruit, & s'en trouuoit
 seulement aux iardins du Roy.

Des Les Mangues croissent en ar-
Mā- bres qui sont de la grandeur d'un
gues. Noyer, peu garny de fueilles, le
 fruit est long du trauers de six
 doigts, sont vn peu courbez;
 leur couleur estant parfaitement
 meure, est vn vert iaune peu mar-
 qué de rouge, ont le goust de
 Pesches.

Des Durions, de Mangoustans & des
Ramboutans.

CHAP. XXI.

Des L'Arbre qui porte les Duriōs
Du- est assez semblable en gran-
riōs. deur a vn Poirier, le fruit est de
 la grosseur d'un Melon: couuert
 d'une escorce espoisse toute gar-
 nie d'aiguillons, comme vn Heri-
 çon, mais les pointes sont plus
 grandes, grosses & quarrees, le de-
 dans est separé en quatre cham-

brettes: en chacune il y a 3. grains de la grosseur d'une noix, garnis chacun d'un noyau, la substance de ce fruit est presque semblable a la Cresme, ou blanc manger. Ceux du pays en font grand cas, & le tiennent pour un des meilleurs fruits de toute les Indes, toutesfois a ceux qui n'y sont accoustumez, l'usage en est mauvais, l'odeur en est facheux approchant de celle des Oignons, non-obstant le goust en est excellent.

Les Mangoustans sont sembla-^{Des}bles aux grenades, toutesfois de ^{Man}moindre grosseur, sont couverts ^{gou-}^{stans}d'une pareille escorce de couleur tannée, & le dedans fort rouge, le fruit du dedans est cinq petits grains: chacun garni d'un noyau.

Les Ramboutans ce sont des ^{Des}fruits couverts d'une escorce es-^{Ram}pineuse comme la Chasteigne, ^{bou-}^{stans}excepté qu'ils ne picquent nul-

lement estât fort moles, leur couleur est rouge, le dedans est de la grosseur d'une Noix, garny d'un noyau semblable a une Amende; & de pareil goust, sur laquelle est une chair ou pulpe qui se fond dedans la bouche d'un goust plaisant, ce fruit & les Mangoustans sont les plus sains, & meilleurs, qui se trouuent aux Indes, souuentefois le Roy nous en enuoyoit les tenant les plus exquis, il y a plusieurs autres sortes de fruits desquels vsent les Indiens, comme les Iambolones, les Iaccas, les Iangomas, le Macoudou, & plusieurs autres, lesquels pour n'estre si exquis que les susnommez ne feray reciter.

C H A P. XXI.

O Vtre l'Opium & le Betel qui ^{De la}
 sont medecines dont les In-^{pierre}
 diens se seruent le plus, il y en a ^{de}
 vne troisieme, qui est ceste pierre ^{Can-}
 de Cananor, laquelle est de cou-
 leur verte : & se diuise comme par
 aiguilles, est fort legere & de tem-
 peramēt froid, & sec, la meilleure
 est celle qui plus est blanche &
 plus aisee a briser, & non seule-
 ment les Indiens, mais encores
 les Portugais qui resident en ces
 pays en vsent, tant pour la conser-
 uation de leur santé, que pour
 la guarison des maladies, com-
 me flux de sang, erisipelles, & fie-
 ures, le moyen d'en vser est de la
 broyer sur quelque marbre, & en
 prendre vne dragme ou enui-
 ron : avec suc de Pourpié, ou eau

rose, ils ne font guere voyage
qu'ils n'en soyent pourueus: en-
cores qu'ils fussent en bonne di-
spositiō: dont ie ne puis que ie ne
m'esmerueille beaucoup: de ce
que ceux qui ont traitté des pier-
res qui croissent aux Indes, cōme
Garcias, Manardes, & Costa, n'en
ont fait aucune mention, veu que
l'vsage en est si grand & si fréquent
en ces pays là.

F I N.



A MONSIEUR DV
LAVRENS CONSEILLER
& Medecin ordinaire du Roy,
premier de la Royne, & Chan-
celier en l'Vniuersité de Mont-
pellier.



MONSIEUR

Les premieres loix des Egyptiens
les rendirent tellement recommen-
dables aux Nations circonuoisines,
& plus esloignees : que les plus
grands personnages, couroient de toutes parts pour
en tirer l'apprentissage de la police, & de la ciuilité.
Par Pythagore, les Grecs comme de leurs escolles
receurent leurs plus polies institutions. Par les dix
hommes, les Romains emprunterent les loix des
doux tables. Ce furent ces Egyptiens les premiers
qui sous leur Roy Sexostris reduirent en art de Me-
decine, la pratique des Arbres, des Herbes, des ar-
bustres, des Mineraux & des pierres, exposant
leurs malades au carrefours de l'antique Memphis.
A leur exemple ma longue & penible nauigation,
m'ayant donné cognoissance de diuers accidens de
Maladies en diuers Climats de l'eau, de l'air, & de
la terre, j'ay recherché les remedes pratiquez par

les originaires: entre lesquels le vent & l'onde ont
 porté ma curiosité, Et comme i'ay rendu compte à sa
 Maesté des choses plus remarquables en ma navi-
 gation touchant les natures, meurs, loix, polices,
 ceremonies de tant de peuples differens. Aussi ay ie
 voulu rapporter les intemperatures procedentes ou
 du Climat, ou de la façon Et maniere de vivre, avec les
 remedes pratiques, comme au port d'Epidaure de-
 vant l'Autel de l'Esculape François. Recevez les
 comme riste d'un naufrage, & ne desdaignes le bris
 du vaisseau sur laquelle ciel m'ayant fait r'entrer
 au port de mon pays natal, pour tromper au bord
 vostre accueil fanorable, ma destiné.

MONSIEUR

Vostre tres-humble, tres-obeissant,
 & tres-affectionné seruiteur.

FRANÇOIS MARTIN.

SVR LA NAVIGA-
TION DV SIEVR
François Martin de
Vitré.

SONNET.



E Iason de Vitré, animé de la gloire
Que sa propre vertu faisoit ardre en
son cœur,
A des flots inconnus en fin esté vain-
queur,

Et s'est faict un chemin qui n'estoit point notoire.
Ce que les anciens ont à peine peu croire
Est descouvert par luy & son œil remarqueur
A faict voir aux François ce qu'aucun voyageur
N'a faict en l'Orient, ny parmy la gent noire.
Verpuce, ny Theuet, Orceille ny Coulon
N'ont touché comme luy l'Infrequenté sablon
De la Zone torride & de la Temperee:
Les meurs & les habits des peuples plus diuers
Ne luy sont point voilez, pour sa toison doree
Il aura donc un nom durable en l'Vniuers

De Fontenay,



TRAICTE DV SCVR-

BVT QVI EST LA MALA-
die en laquelle tombent ceux
qui voyagent sur Mer, avec le
moyen des'en guarentir.



EVX qui nauigent
sur la mer, sont sub-
iects à plusieurs al-
terations & chan-
gemens, car tantost
ils respirent vn air subtil & pur,
tantost ils hument vn air grossier
& impur, quelques fois & le plus
souuent, ils se nourrissent de viâ-
des grossieres, salees, espeeées, &
melancoliques, par fois l'eau pu-
re leur manquant, ils sont con-
trains de boire de l'eau puante, de
sorte que tous les aliments spiri-
tueux, & liquides & solides, leur

estant inegalement administrez,
on ne se doit point estonner s'il
leur arriue des maladies diffi-
ciles, inconstantes & longues. Or
entre toutes celles qui affligent
ceux qui voyagent, il y en a vne
fort familiere, & toutefois bien
estrange, que plusieurs Medecins
de ce temps aduouent n'auoir ia-
mais esté cogneuë & descrite des
anciens: ceux du pays la nom-
ment Scurbit, ou Scurbut. Pour
moy ie n'entreprends point de di-
puter, si c'est vne nouuelle ou
ou vieille maladie, ie laisse cela
aux doctes & plus curieux, ie
veux seulement en escrire ce que
i'en ay veu en voyageant, c'est à
dire les accidens qui accompa-
gnent ceste maladie, les remedes
desquels on se peut seruir, & ceux
que i'ay veu pratiquer. Quant
aux causes i'en diray vn mot en
passant, & ce que i'en ay peu ap-

prendre des Medecins avec lesquels i'ay conferé.

Ceste maladie doncques se donne assez a cognoistre par les accidens qui l'accompagnent d'ordinaire, qui sont vne durté de ratte, pesanteur & tansion aux Hypochondres, difficulté grande de respirer, tumeur œdemateuse des iâbes, & pieds, douleur des reins, lassitude de toute l'espine & principalement des lumbes, durté aux parties nerueuses, douleur aux muscles des bras, & des iambes, la couleur du visage le plus souuent paroist blesme & par fois iaunastre, l'haleine deuient puante, les gensiues sont pleines de petites vlceres, avec surcroist d'une chair baueuse & liuide, qui leur couure par fois toutes les dents, & leur empesche l'vsage des viandes solides, les veines paroissent fort grosses & noirastrés, le

ventre est quasi tousiours constipé, & neantmoins ils font de grands efforts, comme si leur vêtre se deuoit entr'ouurir, c'est pourquoy quelques Flamens ont appellé ceste maladie *Scurbut*, qui signifie vêtre ouuert. A plusieurs paroissent par toute la peau des pustules liuides, qui ressemblent au commencement des morsures des pulces, mais en fin elles se rendent malignes, & degenerent en vlcères noirastres & tres-doloreuses.

La pluspart de ceux qui sont attaquez de ceste maladie, s'ils ne sont diligemment secourus, meurent en peu de iours, les autres deuiennent tous bouffis, ayant ceste espece d'Hydropisie, que les auteurs nomment *Leucophlegmatia*. Nous auons fait ouurir plusieurs des nostres qui estoient morts de ceste maladie, & auons

trouué aux vns des absces dans la ratte, aux autres les poumons aussi secs & arides que du parchemin rosty, aux autres plusieurs apostemes & au foye & au poulmon, qui iettoient vne bouë puante & noiraistre.

Voila tous les accidens que j'ay peu remarquer a ceste maladie, or de rendre toutes les raisons particulieres, & donner à chasque Symptome sa vraye & propre cause, ce seroit vn discours de trop longue haleine, & qui meriteroit vn homme mieux versé en la Philosophie, & en la Medecine que ie ne suis. Je me contenteray donc de dire en general que le premier & principal siege de ceste maladie est en la ratte, laquelle ne faisant point la charge que la nature luy a ordonnée, corrompt toute la masse du sang, trouble & met en desordre, toute l'econo-

mie naturelle , rend toutes les actions du cœur & du cerueau foibles, alterant , obscurcissant & rafroidissant leurs esprits , qui sont les premiers & principaux instrumens de l'ame.

La charge & deuoir de la ratte, est d'attirer par le rameau splenique l'humeur noire, de peur que elle ne se mesle avec le sang, l'ayant attirée, il faut qu'avec la chaleur des arteres qui se voyent la en grand nombre & la propriété de sa chair, elle la purifie, la batte, la recuise, pour se la rendre familiere & semblable, que s'il en demeure de reste, il faut que par certains canaux destinez a cela elle la chasse. Or en ceste maladie, la ratte estant enflée & endurcie, elle ne peut bien attirer & sequestrer du Sang, ceste bourbe, il faut donc qu'elle regorge & se meslant avec le sang, que toutes

les coctions particulieres se fa-
cent mal. Que si elle en attire vne
partie, au lieu de la cuire & atte-
nuer elle la pourrist & corrompt,
& lors par la continuation des
arteres, qui s'embouchent en plu-
sieurs lieux dans les veines, se fait
communication de ceste vapeur
pourrie à tous les suc's aliman-
teus, d'où vient ceste haleine puā-
te, ces pustules & vlceres mali-
gnes, ces douleurs & lascitudes
vniuerselles, & quasi tous les ac-
cidents que i'ay descris. L'enflure
de la ratte vient aisement à ceux
qui nauignent vers les Isles de
Corues & Flores, tant pour l'im-
pureté de l'air, que pour la mau-
uaise nourriture.

Puis donc que ceste maladie
est si ordinaire aujourd'huy &
fort dangereuse pour ceux qui
voyagent, il est necessaire de re-
chercher les moyens par lesquels

on se pourra garantir de ce mal,
& quand le mal sera venu, quels
remedes seront les plus propres
pour le chasser.

Pour la preservation, il est bon
d'apporter dans le vaisseau quel-
que remede purgatif, soit en for-
me de Sirop magistral, soit en
forme d'Opiate, ou bien porter
de bon Senné & en prendre
quelquesfois en bouillon.

Il faut aussi pour deffendre le
cœur, & tenir la ratte en son de-
voir, prendre vne fois la Sepmai-
ne vn petit morceau de Mythri-
dat, ou de Theriaque vieille.

Si on veut vne fois la sepmai-
ne pour empescher la corruption
des humeurs, prendre vn peu
auant le repas vne pillule d'Aloes
crud, ce sera tres-bien fait.

Il n'y a rien meilleur pour se
preserver de ceste maladie que
de prendre souuent du ius de Ci-

tron ou d'Orange, ou manger
souuent du fruit, ou bien faudra
faire prouision des Sirops de li-
mon, d'oseille, d'espine vinette,
d'une herbe Coclearia, qui sem-
ble porter en soy le vray antido-
te, & en vser souuent.

Que si la maladie en a attaqué
quelqu'un, il faudra tenir ceste
methode en sa cure.

Le premier iour il doit estre
purgé avec vne decoction de bon
Senné, avec du Catholicum, ou
bien avec l'electuere Diacarthami
qui euacue les eaus. Le Len-
demain il faut ouurir la basilique
du bras gauche & faire l'ouuer-
ture bien grande.

Après on doit preparer & atte-
nuer ceste humeur grossiere avec
apozemes longuemens conti-
nuees qui seront composees des
racines aperitiues, des herbes
Spleniques & Hepatiques, & a
mesure

mesure qu'on cognoistra que l'humeur sera preparee, il la faudra euacuer, adioustant à la mesme decoction quelque laxatif comme le Sennel'Epithime, le Polypode, le Sirop de roses, ou de Chicoree composee avec la Rhabarb & par fois la confection hamech.

La forme de l'apozeme sera telle.

Prenez racines de Fenouil, persil, escorce de racine de Capres, de Tamaris, de chacune vne once, fueilles de Ceterach, Buglosse, Agrimoine, Absinthe, Romarin, Betoine de chascune vne poignee, semences de Citron, Chardon benit, Orange de chascune vne dracme, fleur de Bourrage, Chicoree & Sureau vne poignee, faites cuire le tout en eau claire, & en vne liure de decoction adioustez y trois onces

de Syrop de Citron, faites vne Apozeme pour trois matins.

Reiterés la mesme decoction & en y adioustant vne once de Senné, demi once de polypode de Chesne, & autant de greine de Carthamy qui auront infusé & boilly avec trois dragmes d'Epithime faites en trois autres prises. Et pour ayder la vertu de ces remedes qui preparent & euacuent l'humeur grossiere engagée dans la ratte & dans le mesenterie, il faut deux ou trois heures apres qu'on aura beu l'Apozeme appliquer sur la ratte & sur tout le costé gauche, vne fomentation, & apres frotter longuement ceste partie avec certaines Huiles.

Prenez racines de Fugere malle, de Gentiane de Guimauue de chacune deux onces, feuilles d'Origian, de Germandree, Ceterach,

Agrimoine, Fumeterre de chacune vne poignee, semences de Lin & fenouil de chascune demie once, greines de Genieures deux dragmes, fleurs de genest de Tamaris de Melilot vne petite poignee, faiſtes bouillir tout cela en egale partie de vin blanc, & d'eau Ferree & y adiouſtez vn peu de vin aigre blanc, fomentez en longuement la ratte avec de grandes eſponges.

Apres la fomentation faut oindre la ratte avec l'Huile qui eſt tiree par expreſſion des greines d'Ieble, ou avec l'huile des fleurs de Sureau.

On pourra auſſi pour empescher que la ratte ne s'enfle & durciſſe vſer quelque fois de vin d'acier, comme auſſi des pillules ou entrent l'Amoniac, le Bdelium, Mirrhe diſſouls en oximel Squil-
litique.

Le remede que nous auons trouué le plus propre pour la guarison de ceste maladie est le ius de Lymon & d'Orange, ou bien le Sirop qui s'en fait, & sur tout celuy de l'herbe appellee Colecaria qui surpasse en vertu toutes les autres, comme desia nous auons dit.

La pierre de Bezoar est aussi excellente à la quantité de quatre grains & la faut destremper dans le Suc de Limons, ou avec l'eau de chardon benist. La confection alkermes n'y est pas mauuaise, aussi pour esclarcir & purifier les esprits du cœur & du cerueau qui sont en ceste maladie fort alterez & quasi tous obscurcis.

Les Anglois ouurent quelquefois la veine du petit doigt de la main appellee des anciens Saluatella, & à la verité c'est vn remede fort recommandé par les

Arabes a toutes maladies melancholiques , les autres ouurent les veines qui paroissent aucune-
ment noires vers la region de la ratte. I'y ay veu appliquer des Cautaires. Et c'est le remede du grand Hippocrate, car il commande de brusler és grandes rat-
tes, c'est à dire d'appliquer vn cautaire sur la region de la ratte, afin qu'il en sorte tousiours quel-
que Serofité & que la partie se fortifie. Ou à la verité il semble qu'il descriue nostre Scurbut.

On peut sur la ratte appliquer des emplastres avec les gommes Ammoniac, Helenium, Sagapenum dissouls en vinaigre Squil-
tic, ou bien l'oindre avec on-
guents remolitifs & resolutifs qui se feront avec les mouelles de Cerf, le beurre frais, la poudre des fleurs de Genest & de Chamomille, les Huilles de Cappres,

& de fleur de Sureau.

Par ce moyen on empeschera que la ratte ne s'enfle, & luy donnera on de la force pour attirer & purifier l'humeur melancholique.

Quant aux accidens qui accompagnent ceste maladie, on en peut corriger quelques vnes avec des remedes particuliers, comme pour empescher la corruption des genciues on les lauera avec du verius, avec le ius d'Orange ou de limon, ou bien on fera vn gargarisme composé d'escorce de Grenade, du Sumach, Berberie qu'on fera bouillir en eau ferree & apres on y adiouftera du ius de Grenades aigres. On frottera quelque fois les genciues avec la poudre de Balaustes, & du sel brulé. Si la chair y surcroist trop importunement la faudra toucher avec de l'eau alumi-

neuse, y iettant quelques gouttes d'huile de vitriol, ou bien vn peu d'eau sublimée meslée avec eau de Plantain.

Pour les noirceurs des lames & autres parties les faudra fomenter avec decoction de Melilot, Chamomile, betoine, thin-Romarin, graine de Genieure, & Fœnugrec. Que si l'enflure veut gagner tout le corps, leur faudra faire boire d'ordinaire de la decoction de Sassafras.

Nous auõs remarqué plusieurs fois que les hommes affligez de ceste maladie, estant comme desespererez, aussi tost qu'on les a mis en terre, & qu'ils ont respiré vn bon air autre que celuy de la Mer, se sont parfaitement guaris dans neuf ou dix iours.

Et a esté obserué qu'approchant de l'equinoctial, les corps s'affoiblissent merueilleusement, de for-

ce qu'il est tres-bon de s'oindre le
corps d'huile d'oliue, comme fai-
oient iadis les Athletes.

Voila sommairement ce qu'en
voyageant, & cōferant avec ceux
qui se messent aucunement de la
Medecine, j'ay peu apprendre de
cette maladie.

Plusieurs autres maladies re-
gnent aux Indes, mais sur tout les
flux de sang qui y sont tres-violās
& tres-dangereux, comme aussi
bien souuent les fieures pestilen-
tielles. C'est pourquoy ie donne
pour aduis à ceux qui entrepren-
dront ce voyage de se garnir de
bons antidotes qu'ils feront pre-
parer selon l'aduis des bons Me-
decins.

F I N.

EXTRAICT DV PRI-
VILEGE DV ROY.

PAR grace & priuilege du Roy,
il est permis à Laurens Sónius
marchand Libraire iuré en l'V
niuersité de Paris, d'Imprimer, ou faire
Imprimer, mettre en vête & distribuer
vne fois ou plusieurs, vn liure intitulé.
*La descriptiō du voyage fait aux Indes Oriē-
tales par les François, cōposé par le sieur Fran-
çois Martin de Vitré.* Et fait deffenses ledit
Seigneur a tous Libraires, Imprimeurs
ou autres de quelq; qualité qu'ils soiēt,
de n'imprimer ou faire imprimer, ven-
dre ou distribuer en ces pays, terres &
Seigneuries, autres que ceux qu'aura
fait imprimer ledit Sonnius, & ce ius-
qu'au terme de dix ans, à cōter du iour
& datte que lesdits liures seront acue-
uez d'imprimer, sur peines contenues
és lettres patentes dudit Seigneur don-
nées à Paris, le 3. Feburier 1604. Et de
nostre regne le seiziesme. Signé

Par le Conseil

SIMON.

TRACT. 10. 11.
11. 12. 13. 14. 15. 16. 17. 18. 19. 20.

1. The first of these is the
2. second of these is the
3. third of these is the
4. fourth of these is the
5. fifth of these is the
6. sixth of these is the
7. seventh of these is the
8. eighth of these is the
9. ninth of these is the
10. tenth of these is the
11. eleventh of these is the
12. twelfth of these is the
13. thirteenth of these is the
14. fourteenth of these is the
15. fifteenth of these is the
16. sixteenth of these is the
17. seventeenth of these is the
18. eighteenth of these is the
19. nineteenth of these is the
20. twentieth of these is the

